

TŠENOLO, KHAOLO HLANO

KAROLO II

¶ ...morao ka tabernakeleng hoseng hona, le ho tlaleha litaba tse molemo ka nqa tsohle, kamoo Morena Molimo o bileng molemo ho rona.

² Sontaha se fetileng ha pono e ne e hlahisoa, 'me boholo ba lona bohole le ne le teng (mabapi le noha e bolaeloang setsing): pono eo e etsahetse ka lentsoe ka lentsoe lihoreng tse mashome a mabeli a metso e mene hoba e boleloe mona sefaleng. Ha babatseha kamoo Morena a sebelitseng. Ha ke e-so bone le e 'ngoe ea tsona e hlōleha ho...bophelong bohole ba ka, 'me ke lilemo tse mashome a mahlano a metso e 'meli. Ka ho phetho feela, lentsoe ka lentsoe kamoo e etsahetseng. 'Me ke ikutloa betere haholo, ke betere haholo.

³ 'Me joale ke phetho sohle seo ke buileng ka sona, ho bua ka qoso eo. Kapa, ha se qoso, e hlahile ho banna ba lipelō li tšepahalang, ba tšabang Molimo, tšebetso ea ka e sa tsoa matlafa-...e kaholim'a tlahoh haholo, 'me ba qalile ba hopola hobane ke ne ke le Morena Jesu, 'me ea bak-...ea qala thutonyana. Empa ea emisoa hang-hang. Ke leboha Morena ka hoo!

⁴ 'Me hang hoba ke itšole le ho e nehela Morena le ho e laetsa ho Morena, ea fela ka potlako, ke ha e felile nakong ea lihora tse mashome a mabeli a metso e mene. Ea ntšiea ke tšohile ke ferekane nakoana, empa ke tla tsoa ho eona kamora nakoana. Ea batla e ntšosa, empa ke tsoella hantle ke monate.

⁵ 'Me re hapile liphenyo tse kholo vekeng ena, ke batla ho tlaleha taba.

⁶ Joale, hola ka mamela seo Morena a mpoleletseng sona, ntho eo e ka be e sa hlaha. O mpoleletse lilemo tse 'ne tse fetileng. 'Me mohatsa ka o teng, morao ho letšoile mona kae-kae jwale, le mora oa ka o lutse...o ne a le mona kalaneng nakoana e fetileng, le bongata bo nkutloileng ke bua nako le nako, "Lena ke lekhetlo la ho qetela ke hlakisa temoho eo ea meeaa." Le a bona? Ea fihla moo... Ke lekile ho phela haufi le Molimo hona, ka ho etsa joalo, e batla e hlahisa ntho e batlang e rarahanya batho ho fihlela ba sa tsebe hore ba nahane eng.

⁷ 'Me hape, mabapi le tseko ea rona ea lekhetho, ho ka be ho sa hlaha le lentsoe la eona holane ka mamela Morena feela. Kamehla ke moo ke etsang...Mohla ke sa Mo utloeng ke kena

khathatsong kamehla. Holane ka mamela ka hloko feela le ho tsamaea le Eena!

⁸ 'Me joale e a . . . Tšebeletso e kaholima tlholeho haholo ebile ka linako tse ling ke . . . Ke ne ke tšaba hoba ke tla matha ke tšelete moeli o mong oo. Empa, joale, ha ke bolele . . . ke batla ho . . . e mong le e mong, a e tšoare hantle, ha ke bolele hore ke a falla, ke nqalla hole le Morena, feela ha ke sa batla ho hlakisa mohlololo o kaholim'a tlhaho, le a bona, ka mokhoa oa litemoho tsa moea le—le lintho tse kang tseo.

⁹ Joale, Morena o bile mosa ho rona nakong ena; O hlahisitse Moena Neville, ea ötliloeng ka lentsoe la boporofeta; O na le Moena Higginbotham le baena ba bang ba bangata mona ruri bao . . . ka lineo tsa moea ka har'a kereke, li etsa mehlolo.

¹⁰ Ha nke ke le phetele bopaki feela. Khaitseli Opal Weaver, ha ke tsebe haeba a le teng mona kerekeng hoseng hona kapa che. Na u teng, Khaitseli Opal? Nka tsoa tsoa ke sa—ke sa 'mone. Oh, be, o ne a bolaoa ke mofetše lilemo tse 'maloa tse fetileng, 'me mofetše o le ka har'a litšoelesa tsa basadi oa ntoo nyolohela liphieng. Eaba ba 'mallia bosiu bo le bong boo feela ho phela, a sithabetse haholo. Ka tloha ho ea mo rapella, 'me pono ea hlaha, 'me a fola kannete. Ho batla ho fetile lilemo tse leshome le metso e mehlano. O kena a tsoa har'a rona ka lilemo le lilemo.

¹¹ Letsatsi le leng a kena khathatsong ea . . . a tšoroa ke 'metso a lutla mali 'metsong. A eletsoa ho bona ngaka hang. ('Me mohlang oo ke le koana Canada.) Eaba o letsetsa Moena Neville, 'me Moena Neville a tloha a nka Moena oa rona Higginbotham. Ha ke hopole Moena Higginbotham a le teng mona, a ka ba teng, hoseng hona. Moena Rupert Higginbotham mehleng e ne e le teraseti, moena ea khabane. Na o teng mona? Ba tloha ke hona ho rapella mosali, eitseba mo rapella . . . Esale a lutla mali joale, ha ke tsebe nako e kae, ka matsatsi, matsatsi a mabedi kapa a mararo, a tšoela mali feela. Moena Neville a mo rapella 'me ha a hlotse a hlatsa mali. Ke hantle.

¹² Eaba o tsoa likotolana tse peli, makhutla kapa ntho e marulelong a molomo, matsoabali a mofuta a leketlang marulelong a molomo; makukuno a maholo, joalo. 'Me ha li eso mo fe phomolo, 'me ba ne ba . . . A re, "Li lekana le halofo ea linate tsa sefate sa hikori." 'Me esale li le molomong oa hae lebaka—lebaka la nakoana, matsatsi. 'Me Moena Higginbotham . . . Ha ke khone ho qopolisa lebitso leo la Sejeremane hantle, Moena Rupert, tšoarelo. Empa leha ho le joalo, ke . . . 'Me mona hantle e ka ba ke fositse. Kapa, che, ke kholoa a—a ötliloe ka neo ea lipuo le phetolelo ea lipuo. 'Me a ile a beha letsoho la hae, nakong ena, sefahlehong sa hae. 'Me a re, "Moena Branham, e seng maobane, e seng maobane bosiu, empa libaka tseo tsa nyamela hang" ho marulelong a molomo. Hang-hang!

¹³ Eaba ho nyoloha lingaka, tsa mo hlahloba 'metso, le hohle, 'me tsa re, "O tlameha ho ea kokelong ka ha a tšoeroe ke mofetše oa 'metso."

¹⁴ Kahoo re . . . Ba mo isa kokelong ke hona. 'Me ha ke a tseba a le mono haese ho fihlela ke kopana le molisa oa rona ea lokileng, Moena Neville, holimo mona, 'me ke ne ke habile kokelong 'me a mpolella hoba—hoba o kantle mono. Ka nyoloha ho ea 'mona, 'me monna oa hae a lutse mono. Le lingaka tse hlano, tse 'ne kapa tse hlano, lingaka li ne li kene 'me tsa hlahloba, tsa tsokotsa lihlooho, tsa re, "Ehlile, hoo, ke mofetše, vaerase ea mofetše, ke mofetše."

¹⁵ Mooki a kena a nka e—e lisampole tsa oona. A re, "Hoo, ntle le pelaelo, ke mofetše."

¹⁶ 'Me ka re, "Empa, khaitseli, ha Molimo o kile oa u folisa mofetše . . . e ka bang eng. Mohlomong banna bao ba nèpile. Ke—ke banna ba koetlisitsoeng temeng ho bolela haeba e le mofetše kapa e joaloka shebeha mofetše kapa eng. Hoo ke . . . Banna bao ba koetlisitsoe lefapheng leo. 'Me e ka re mofetše 'me ba re ke mofetše." 'Me ka re, "E ka ba ona."

¹⁷ Empa a sa batle ho lumela hoba ke mofetše. Ka hona, ke re, "Efela ha Molimo o kile—o kile oa araba thapelo holimo mono ho khaotsa phallo ea mali; Molimo o ka araba thapelo, ho ntša linthohali tseo molomong oa hau. Leha e ka ba eng, na Molimo o ke ke oa e emisa hantle mona?"

¹⁸ A re, "Amen!" 'Me monna oa hae a lutse mono. 'Me a re, "Ke palame holim'a sona joale, hore Molimo o tla e emisa."

¹⁹ 'Me ka mo rapella. Ba nka disampole ba li hlahloba, tsa khutla li "hana" athe bohole ba itse ke *mofetše*. Le a bona?

²⁰ Taba ke ena, metsoalle, Ke Molimo 'me O arabela thapelo. 'Me re thabile haholo ha O re etela mona tabernakeleng e nyenyane ena e sa khabang. Ha e khahle chalimo, ho qhobetsoe mapolanka a khale 'moho, lilemo tse ngata tse fetileng, ho sireletsa lihlooho tsa rona, marulelo lihloohong tsa rona, ke rialo, ho tšabela lipula le lehloa le tse joalo. Empa kajeno ho phela batho ba bangata ka baka la mokhathala ona, 'me re leboha hoo haholo.

²¹ Re leboha litesaseti tsa rona. Re leboha batikone ba rona. Re leboha phutheho ea rona. 'Me re leboha molisa oa rona. Re leboha neo ka 'ngoe A e abetseng kereke. 'Me re O rapela ho neha banna bana kutloisiso, ba se hlole ba khelohela lephakong le phoso haese ho tiisetsa hantle bohareng ba tsela ka Lona. Ho se ikhohomose kapa letho; nako efe ha u etsa joalo, ho felile ka uena hona mono, le a bona. Lula u ikokobelitse feela le Lona.

²² Le a bona, joale, ho kena batho, ba kulang le ba mahlomoleng, ba tla rapelloa ke sa phomotse joale selemo kapa tse peli, joale Molimo o hlasisitse tsela ea ho e hlokomela

mehleng ea phomolo ea ka nakoana. Le a bona? Oh, na ha se teboho? E loketse... Na re lokela ho e lebohela? Le ka mohla Molimo ha O lule o se na paki, 'me ka hona re e thabela haholo.

²³ Joale, veke ena e tlang, ha Morena a ratile, ke ikemiselitse ho nka banana ba ka ba sa tsoa tsoa sekolong ho kena matsatsing a bona a 'maloa a phomolo, ke le rapela ho re rapella. Morali e moholo, o sekolong se phahameng, o batla ho bona moo Paul Revere a neng a thakhole khitla ea hae ea bosiu, moo a tlohileng kerekeng. 'Me re... Ke holimo hantle mona New England 'me re batla ho nyoloha le ho bona seo.

²⁴ Hape, esale ke batlile ho bona Old Ironsides. Ba utloileng lithoko tsa *Old Ironsides* ba ba kae? Ke thatohatsi hara tsohle tseo ke li tsebang; kathoko ho Bokreste, bona bo a fetisa. Ke mpa feels... Ha ke qala ke li bala ke a qhoeloa ke lula fatše, ke likolohe, ke khutle. U ne u ka se tebisa joang ka mora hoba se... Ho tšoana le ho nka pere u e bolaea athe e u pholositse le lelapa la hau. Ke feels—ha ke e bone feels. "Ke tla se timeletsa!" Che, u se etse joalo. Athe likanono tsa Borithane li se otlide tsa qhomaka maphokong sona a khale a eike, ke—ha ke bone kamoo u ka se ntšang oa se tebisa.

Le se nehe melimo ea sekhhohola,
Ea lehalima le ea sefefo!

Ke hlile ke a se rata.

²⁵ 'Me hape re batla ho theoha, 'me Mongh. Kennedy ha a eso re meme, empa re hlile re batla ho bona White House mehleng ea rona mono. Bao... Ke etile khafetsa empa bana ba batla ho e bona. Re ntoo khutlela lapeng, ha Morena a ratile. Le re rapelle ke hona.

²⁶ 'Me re rapella baratuoa bohole ba rona mona ba phomolong, bongata bo nka maeto a bona a libaka tse fapaneng. 'Me ba bang ba bona ba faletse hoseng hona, tlase Kentucky le Tennessee le libaka tse fapaneng. Re a ba rapella ke hona.

²⁷ Joale, ke ne ke tla tsebisa taba e itseng. Oh, e, tšebeletso ea kolobetso hang kamora tšebeletso ena. Hape—hape ke kholoa ho tla khetheloa masea, moena o mpoleletse ka eona, khethelo ea masea. Lintho li ngata re tlameha ho ho... Ho thoeng? [Motho o botsa Moena Branham ka tšebeletso ea mantsiboea—Mong.] Be, ha ke ikutloe ho nka litšebeletso tseo ka bobeli. Le a bona, ke nka e 'ngoe le Moena Neville o nka e 'ngoe. 'Me ha ke khone... Ha se... Athre re ba babeli mona, hobaneng e mong oa rona a hulisoa ka falese? Ha ho joalo, Moena Neville? Ke hantle feelsa.

²⁸ 'Me, hape, Doc o ntaetse ho tlal... ho le joetsa bohole ho hopola bao... maitlamo a lona ho tabernakele, hore—hore kerekeng... ba lohatha ho haha hang ka potlako ha ba phuthile ho lekana bvakeng sa kerekeng.

²⁹ 'Me ka hona ka—ka ba le...Ntho e bonahetse e le teng, e tšoanetse e ebile ha u ne u mpolella, khethelo ea masea. E ne e le eona. 'Me re tla nkana le eona hang ha re qetile ka tšebeletso ena joale.

³⁰ Joale, ana lintho tsena li tlameha ho rapelloa, liaparo, ke a kholoa? Ho lokile, monghali. Re tla etsa joalo 'moho, rentoo...

³¹ Joale, pele re atamela Lentsoe...Ba ba kae ba thabelang Lentsoe? Oh, khili, ho phela holim'a thaba! Le a hlokomela na, le—le bone ho tloha Sontaha se se boleoang ke ho e sebetsa ka tsela ea Molimo. Le a bona? Hoba ke bone moea o keneng ho baena bao ba bohloko, ho se mokhoa ho motho oa tlhaho ho e tlosa. Re ka etsa ho le hong feela ho e laetsa kapa ho e nehela Morena, eaba e felile lihoreng tse 'maloa.

³² Joale, molisa ('na ke a tsamaea), 'na ke leng mothusi wa hau mona mosebetsing oa Morena, le joalokaha Pauluse a bolela, "Ke u laela pel'a Molimo le mangeloi a khethehileng," le a bona. Le ho kereke ena mona, ke oo mohlala o phethehileng mohla motho a tsoang taolong kerekeng. Le a bona?

³³ Joale, ntho e sa lokang ha e hlaha kerekeng, motho eo, ea e tsebang e sa lōka, a bonane le motho eo. 'Me ekare ha motho a hana ho khutla; ho nkuoe paki ho uoe teng, paki kapa tse peli, ho ea mothong enoa ho ba boelanya kapa ho otlolla ntho eo. Joale, mamelang ka hloko! Joale, taba ena e a hatisoa, hape. 'Me haeba e sa sebetse...

³⁴ Le se lumelle lethoana, kapa tabana efe, maikutlonyana a mabe ho sölla har'a lona. Le a tlose tseleng hang joale! Eo ke nthoana...Ke phokojana e senyang morara, le a tseba. Le e suthise tseleng ke hona! Le maikutlonyana afe a hlollang, e-ea u boelle motho eo. Ho re, "Ke—ke sitiloe. Ke—ha ke ikutloe monate khahlano le uena, kapa ho hong. Nthuse ho e rapella, ke ntlaufatsoe." Hoba, ha re batle letho haese hloeko, Moea o Halalelang oa Modimo o sa silafalang, hara rona. Ke phetho seo re se batlang. Ke mohla lineo le lintho li tla sebetsa hantle 'me tsohle li tla lōka.

³⁵ Hore'ng le batla kereke e sekheeqe athe le ka rua e tletseng? Hore'ng le amohela phapanyetso athe leholimo lohle le tletse makhabane? Le a bona? Ha re batle seo. Ha maikutlonyana a hlollang a hahaba har'a lona litho, e mong nqa e mong, le bonane le motho eo.

U re, "Be, ba nkentse..."

³⁶ Seo...ke...Joale, le hopole, ha se "ha u sitiloe kapa u le molato ho ngoaneno," empa "Ekare ha moena a na le taba khahlano le uena." Le a bona? E-ea ho eena le boelane, 'molelle esale u—u na le maikutlo a makatsang ka eena 'me u batla le etse setsoalle, le rapele le theohele aletareng le e falatse lipakeng tsa lōna.

³⁷ Joale, Satane o tla u tebela ho fihlela u qetile mona lefatšeng. Le hopole seo feela. U ke ke oa fumana nako haese ho tebelaoa ka linako tsohle, hoba u ntoeng. Na u qetse ho tla ho Kreste, ho kenela moketjana? Be, u hlile u tla hlolloa, hoba ke ntoa e sa khaotseng. Ke qetile lilemo tse mashome a mararo a motso o mong lebaleng, 'me ke loanne khatonyana ka 'ngoe ea tsela. Ke hantle. Iseraele e ne e tlameha ho ho loana bohatonyana ka bong ba tsela. Bao—bao... Ba ne ba fuoe Palestina, ba mpa ba tlameha ho loana bohatonyana ka bong ba tsela ho e hapa.

³⁸ Joale, le hopole sena, hore haeba... Taba efe ha e ropoha kerekeng, e reng molisa... le haeba u—le haeba u tlameha ho lata molisa, ho ba isa mothong eo. Ekare ha ba sa utloe hoo, le eme pel'a kereke le e bolele pel'a kereke. Ba fe nako e baliloeng ho khutla, ha re re ho qala Sontaha se seng ho ea ho se latelang. 'Me ha ba sa utloe kereke, ke moo Bibebe e itseng "Ba be ho lona joaloka mohetene le molekhetho."

³⁹ Hoo, le a bona, ha ba sirelelitsoe ke kereke, Satane a ke ke a ba fihlela. Empa kereke ha e ba lokolla tlasa paballo ea kereke le Mali a Kreste, Satane o tla tloha ho sebetsana le bona. Hoo ho tla boelanya hantle hape. Le a bona? U—u e utloisisa taba eo, ha ke re, molisa? E, monghali.

⁴⁰ Ka hona le tlameha ho hopola ho etsa joalo kamehla, ke ho boelana, ho atamela Molimo le ho latela tsela ea Molimo. Re na le...

⁴¹ Hoo ho paka eng? Baena ba babeli kapa ba bararo ba tseba ke sotliloe ke eona lilemo tse peli kapa tse tharo. Ke hantle. Empa ha ke fihla moo ke ba hopolang e le banna, qetellong ea litaba nka rata banna bao ho fihlela ba ke ke ba itšoasolla. Eaba ke nka lipaki empa ha e a ka ea sebetsa. Ka tlameha ho e tlisa kerekeng. 'Me ho tsoa sefaleng Sontaha se fetileng, ka re, "Ha ke sa batla ho e utloa. Ke lokolohile ho eona. Ke e nehela Molimo, le a bona, le ho e busetsa ho Eena."

⁴² 'Me hang e supa batho bao ba ne ba bitsitsoe. Eona... Joale, holane ba sa etsa, ha ba tobana le tokiso ea Lengolo... 'Me motho ea sa mamelleng taeo ea Lengolo, a halefa kahohle a phatloha, e mo supa a sa lōka ho Molimo. Hantle! Empa mohalaleli oa makoma oa Molimo o tla boelana le Molimo ka Lentsoe. Ke hantle. 'Me Lentsoe ke tsela ea tokiso. Baena bao ba tlamehile ho leboha Molimo haholo haele moo...

⁴³ Le a bona, Bibebe e boletse "Ho tla hlaha bo-kreste ba bohata matsatsing a bofelo 'me ba tla thetsa le bona bakhethoa hola ke ntho e ka etsoang." Empa ha se ntho e ka etsoang. Che, monghali. Bakhethoa ba ne ba khethoe pele, ba ke ke ba thetsoa ke hona, le a bona.

⁴⁴ Hang hoba baena bao... Ba fihlile holimo mono lapeng letsatsi hlahlamang, le a bona, ba ba ba qala ba nthahisetsa Lengolo la bona. Eaba Moea o Halalelang ka Lengolo o ahlola

sohle seo ba se buileng. Le a bona? Eaba ke phetho, ba bone, sehlopha seo sa bakhethoa se tsoile sa kena ka pel'a Sefahleho sa Molimo. Ke lebohela batho ba joalo haholo. E, monghali. Ke banna ba makhonthe bao.

⁴⁵ Ha u bona monna ea phoso, a kholisoa a fositse, hoo ho mo supa a batla ho ba Mokreste, o a nyolaha o re, “Ke sitiloe.” Eo ke—eo ke Mokreste oa sebele.

⁴⁶ Empa mothaka eo ea ka phatlohang, a titimela mose oane a re, “Ao, ho ne ho se letho ho Eona,” le ka mokhoa ona; hlokomela, moena, u ka ’mona hona moo hoba o tsoile a le tlas'a tsuo kaha e ne e se oa rona. Empa ka mehla, molisa, tloo Lentsoeng leo ’me Le tla sebetsa joalo nako le nako. Empa u tlameha ho lula Lentsoeng.

⁴⁷ Lebaka leo ha ke e tla, joale, ke ile . . . ha ke hlakise temoho e ’ngoe ho la—ho la United States, ha se morero oa ka oo, bophelo bohle ba ka, ke mose ho maoatle feela le linaheng lisele le joalo-joalo. Ehlide, neo, neo ea boporofeta, e tla sala e le teng, empa ke tla ipolokela eona le ho e sebelisa feela hobane e . . . re—re morao haholo letsatsing joale hore e ka . . . e ka tsoelapele. Re atametse nako ea bofelo haholo. Empa masimong a sele ke bothata bo le bong kapa a mabeli kalaneng ’me, moena, ke re ba se ba thakhohile.

⁴⁸ Hape re fihlela bolekisi ba Eona ba nama. Oh, khili! Ha haula feela. Shebang, ke batla ho . . . Mapentekosta a makae ka mona? Phahamisa letsoho la hau. Ho lokile. Bonang, lona Mapentekosta, lilemong tse ’maloa tse fetileng, Molimo o hlile oa theohela ho lona la qala la bua ka lipuo. Ke hantle. Empa diabolose a etsa’ng? A fihla a fehla boetsisi ba eona ka nama. A fuluha ntho e sa lokang, ho theola batho le ho ba buisa ka lipuo, le ho ba buisa mantsoe a mofuta le lintho ho ba buisa ka liteme, joalo-joalo; athe monna o phela le mosali oa monna e mong, le lintho tsa mefuta eohle, le mefuta eohle, ba bang ba bona ba noa, ba tsuba, le ntho eohle, ba ntse ba bua ka liteme. O e entse ka morero ofe? Ho letsisa terompeta ea sebele molumo o sa hlakang bathong. Ka hona ke mang ea ka itokisetsang ntoa? Le a bona?

⁴⁹ Eitseha sena se hlaha . . . Joale, re hotolotse batho har'a mokhupi . . . E mong hantle . . . a ema hantle pel'a ka holimo mono Canada esitile e le . . . Khele, o bile a qotsa ke mahlahana e le mosodoma. Le a bona? A re, “Khele, Molimo o mphile neo ea temoho.” A re, “Alleluia, ke fumane . . .” Ho re, “Joale, Morena o mpoleletse ka motho ka mona ea bitsoang ‘John . . .’”

⁵⁰ Re fihletse mosajana mona hoseng ho hong, a khutletse mono, le sa hopola, a khutletse mono ’me o itse, “Morena o mphile neo e tšoanang.”

Me ka re, “Be?”

A re, “Eka nka fuoa monyetla ho e kholisa.”

Ka re, “Kalana ke eo.”

⁵¹ ‘Me le bone se hlahileng; khahla-khahla e pala ea saekholoji, le a bona. Empa ha le bona, ho nyoloha Khaitseli Snyder, a mo tlaleha a jeoa ke “ramatiki,” eaba—eaba—eaba ke phetho. Eitseha Khaitseli Snyder . . .

⁵² Eaba ke re, “Bothata ba mosali e ne e se boo.” Ka re, “O ile a oa a robeha noka.” ‘Me ka re, “Ebile ha a ema mono . . .” Ehlide Khaitseli Snyder o ne a sa utloe hantle, ‘me a re . . .’Me o ne a tšoeroe, ke a kholoa, e ne e le lethopa ka mpeng kapa bothata ba mofuta joalo. Ka re, “Ke eona taba; ho lula mona le ho qoqa le baena ka eona nako tsohle.” Le a bona?

⁵³ Empa e le feela—feela ho bontša kereke, le a bona, hoba ke boetsisi ba nama, le a bona. ‘Me hoo ho etsa’ng? Ho etsa hore terompeta ea makhonthe . . .

⁵⁴ Joale, mohla ke ne ke le Canada ba qotsa thaka lena le neng le nyolohetse mono. Le ho re (hantle hara sehlopha sa ma-Norway), ‘me a re, “Morena o re motho e mong ka mona . . .” bongata bo ka menahanyang bona makhetlo a leshome, “motho ea bitsoango ‘John,’ mohlolong ‘Johannes,’ ‘Johann.’” Ho re, “Hantle kae-kae feela ka mona, ke a kholoa.” A re, “Che,” ho re, “ke hantle feela ka mona nqa efe”; ehlide, o ile a qotsa ntho eohle . . . Naheng ea Norway? ‘Me bohole ba ne ba e-na . . . Lipheresente tse mashome a robong tsa bona ke Petersons, Carlsons, John, Johannes, ‘me, khele, ehlide. Le a bona, ruri o a . . . Le tlameha ho kena mono nqa efe. Joale, “Morena o mpolella ka motho oa bothata ba mokokotlo, ke a utloa mokokotlo oa ka o bohloko.” Mang ea holisitsoeng Lengolo o e tseba e le saekholoji. Hoo ke . . . Ruri, ke eona.

⁵⁵ Empa, le a bona, e entse’ng? (Eaba monna o koloa hona mono ke—ke FBI ho tsoa mona, ho isoa holimo mono le ho mo thotela holimo mono, Lepolesa La Katola la Bokhosing.) ‘Me mokhatlo oa bareri oa nketela, ‘me, “Mosodoma,” ba re, “khele, Moena Branham a ka tsoa tsoa e le eona ntho eo. Litaba li eme joalo, le a bona.” E etsa’ng? Ho letsisa terompeta molumo o sa hlakang. Le a bona? Hantle feela. Ho joalo kamehla, ho leka ho etsa lintho tse kang tseo ho letsia molumo o sa hlakang. Ke mosebetsi oa Satane ho etsa hoo.

⁵⁶ Empa, joale, le se fapohe Lentsoe leo le ka mohla. Hopolang, ke le laela pel’ a Molimo: *Lulang le Lentsoe leo!* Le se ke la fapania le Lona. ‘Me lintho tseo ha li hlaha har’ a batho le lintho tsa mokhalo oo, ea makhonthe e teng nako le nako ha u thola ea bohata. Ho na le—ho na le dolara ea moshaqane, e supang dolara e iphotlileng e nkiloeng ho eona. Ha u utloa moikaketsi oa mofuta a bua lipuo, o ke ke oa mo tlaleha a na le Moea o Halalelang. Empa, le hopole, o ntse a lekisa thepa ea mannete e ötliloeng ka neo ea ho bua lipuo. Ha u bona lintho tseo tsa bohata, hopola, li nkiloe nthong ea sebele. Molimo ke mothehi oa

lintho tsohle tse molemo, empa Satane o lekisa lineo tseo. Be, ha nka kena mono, re ke ke ra kena thutong ea rona, re tla khona na?

⁵⁷ [Moena Ben Bryant o re, “Moena Branham, ntšoarele motsotsotso feela?”—Mong.]

E, moena.

[“Ka kopo? Ke ne ke le sieo mona Sontaha se fetileng, ’me ke utloetse seo u se buileng likhoeli tse ’maloa tse fetileng. Sa hla sa ntšoenya ruri, haholo bo, ka ntoo utloa ke batla ho u bolella ka eona le ho bolella Moena Neville. Empa ka utloa hape hore u tla tseba hoba ’na le mohtsa ka re e behile thapeleng. ’Me hoseng hona ha ke kena tabernakeleng, ha ke a tseba se hlahileng, ’me e mong oa baena ba bohloko a tlie ho ’na hoseng hona a nkopa ho mo tšoarela. ’Me ka hopola oo e le Moea o kang oa Kreste.”]

Amen.

[“Me ke hopola moena a hloka ho thotholetsoa haholo.”]

E, monghali.

[“O nkopile ho mo tšoarela, hoba a ne a leka ho . . . o ne a—o ne a leka ho nqaisa thuto eo.”]

Yaa.

[“Me ke hanne ho e amohela. ’Me o nkopile ho mo tšoarela hoseng hona, ’me ka hla ka moo tšoarela ka Lebitso la Jesu.”]

⁵⁸ Amen. Ke a u leboha, Moena Ben Bryant. Joale, hoo—hoo ho joalo hantle . . . Ke thabile ha u e boletse, Moena Ben. Le a bona, hobane banna bao esale ba likoloha hohle ba lokisa litaba. Joale, ke bona Bokreste ba makhonthe boo. Ke Bokreste ka liketso. Ha u sitiloe, nyoloha u lumele hoba u sitiloe. Le a bona? Ema ’me u re, “Ke sitiloe, u a bona, ntšoarele.”

⁵⁹ Joale, mothaka ea lekang ho e pata, o mpa a koahela ntho e itseng. Che, monghali, ke rata . . . Joaloka ngakanyana mona e . . . Le a bona, ha e khone . . . Eena . . . Nke ke ka hlahatsa taba ea hae, empa, leha ho le joalo, ke ha a batlile ho etsa nthoana, le a tseba. ’Me ka re, “Oh, che, Ngaka, u ke ke ua lefa Molimo tjotjo.” Ke itse, “U tlameha ho e hlahisa ka tšoanelo mona pel’ a mokhatlo.” Ke hantle, taba e tsamaea joalo. Ehlide, monna o ne a se molato ka ho phethahala oa ho leka ho etsa ntho e fosahetseng. Feela a—feela a hopotse ekaba mokhoa o motle ho itholla sekotoana sa mobu. ’Me o ne a sa leke ho e etsa bobo, o ne a leka ho e etsa bottle. Empa o ne a batlile feela . . . O itse, “Ke . . .” O ne a tseba mokhoa oa ho e koekoetla, ho fumana motho ea ka susumetsang mothaka enoa mona. Ha u e sebetse joalo. U mpe u tle ka kotloloho feela. Le a bona? Lula hantle Lentsoeng, ’me u tla be u e fumane. Lula hantle le Lentsoe! Eaba Molimo oa mo hlohonolofatsa oa mo etsetsa ntho e kholo. E, monghali.

⁶⁰ Ho lokile, ha re inamiseng lihlooho tsa rona joale thapeleng. Ba ka ratang ho hopoloa thapeleng ba ba kae? Ke tseba

mofumahali a le mong ea lutseng mona setulong sa bakuli mona a ka rata ho hopola, ke a t̄sepa. Le khaitseli enoa mona, bohle, shebang hohle holim'a sebaka. Joale, ha re suthiseng tsohle joale re kenele ho khumama. Ke sepheo sa rona mona, metsotso e ka bang mashome a mararo a metso e mehlano, mashome a mane a latelang, ho khumama.

⁶¹ Joale, Morena, e re re sa ikhutisa pel'a Hau, re utloa hore Joshua oa rona e moholo, Moea o Halalelang, Moetapele oa rona ea Mokhethoa oa letsatsi lena . . . joalokaha Joshua a ne a khutsitse sechaba pel'a Moshe, le ho re, "Re khona ka ho fetisisa ho hapa naha." Hobane o ne a sa sheba Baamaleke kapa Baamore bao, a mpa a talimile pallo e Mokhethoa e abiloeng ke Molimo.

⁶² 'Me letsatsing lena la phulueho le maemo ao lefatše le hahabang ho ona, le mosong o khabane ona oa sabatha, re ikhutsisa pel'a Hau, le ho bolela pontšeng ea boetsisi bohle, bolekisi ba nama, pontšeng ea meeа eohle e bolotsana le e khelositoeng, kamoo re shalimang Lentsoe la Molimo re re re fetisa le bahloli! Molimo o boletse O tla rua Kereke e se nang letheba leha e le letsika ho Eona, 'me re tseba re tla bona Kereke eo ka letsatsi le leng. 'Me re ikitlaetsa joaloka litho, ho lumela hoba re litho tsa phutheho e kholo ena ea Molimo e tsoetoeng labobeli le Kereke e bophareng ba lefatše kajeno, re atamela Molimo re le mahlonoko ka Lebitso la Morena Jesu.

⁶³ E re re sa tla ka boikokobetso, re U kōpa ho suthisa mehopolong ea rona le lipelong tsa rona lintho tsohle tsa lefatše, mekhathala eohle ea bophelo le lipelaelo, le hore Uena, Molimo, o tla re beha maemong a thapelo, re tle re U khumamele kutlong ea Lentsoe la Hau.

⁶⁴ Joale, joaloka Johanne, thutong ea rona hoseng hona, o llile hoba ho sa fumanoa motho ea lōketseng ho nka Buka, 'me re ka lla lipelong tsa rona hoseng hona, Morena, hoba ho se ea nang le tōkelo ho phetla Buka ena. Empa joalokaha sello sa Johanne e bile sa motsotsoana feela, hoba hang a t̄seliseha 'me Konyana e tlie ea nka Buka; oho Konyana ea Molimo, hoseng hona, tloo nke Buka ho re phetlela Eona, Morena. Re U emetse. Likhaellong tsa rona re emetse ho ba . . . Re tlatse re re be lekane ka Boteng ba Hau le Lentsoe la Hau.

⁶⁵ Matsoho a mangata a phahametse ho Uena, oho Konyana ea Molimo. Re a tseba U tseba pelo tsohle, hoba U tsebile le merero ea bona. 'Me U sa le Molimo kajeno se sa mehleng ea Hau. 'Me U tla lula u t̄soana, hobane U phethehile ha u seeloe moeli 'me U ke ke ua fetoha. 'Me re U kōpa hoseng hona ho re tlatsa tsoete, kōpo ea e mong le e mong. Aba sena, Morena, bohle ha ba tsoa mohaong ba tlohe ba khotsofetse, ba re ba ne ba kene ka pel'a Sefahleho sa Molimo 'me ba tloha ba kakatletse takatso ea lipelo tsa bona. Morena, se lebale ho nkenya letotong leo, hape. Hoba ke e kōpa ka Lebitso la Jesu. Amen.

⁶⁶ Joale, ha re phetleng Bukeng ea rona e tlottlehileng, ho emela Konyana ho manolla litiiso, kapa ho re phetlela Buka. Ha re phetleng joale, re khaolong ea 5 ea Buka ea *Tšenolo ea Jesu Kreste*.

⁶⁷ Joale, ho metsoalle ea ka e tla utloa molaetsa ona likarolong tsohle tse fapaneng tsa lefatše ka teipi ea makenete, ka mona nka re ke lōketse ho hhalosa lithuto le lintho tse joalo ho phethisa sena. 'Me monna ofe ea se nang thuto ha a na bosebeletsi ba lentsoe. Haeba u hopola phutheho ea hau e sa tšoanela ho utloa teipi ena, e behe thokoana le bona. Ke mpa ke hhalosa mohopolon ka le maikutlo a ka, tšenolo ea ka ea Lentsoe la Molimo.

⁶⁸ Joale, likhoeli tse 'maloa tse fetileng re khutlide ra bea motheo oa . . . matsatsi a 'maloa a fetileng, ke rialo, re khutlide ra bea motheo oa khaolo ea 4, khaolo ea 3 ho isa ho ea 4. 'Me joale, Sontaha se fetileng, re alile motheo oa khaolo ea 4 ho isa ho ea 5. 'Me joale, kajeno, re batla ho ala motheo oa khaolo ea 5 le ho ala motheo oa ea 6 e tla hlahlama.

⁶⁹ 'Me kajeno morero oa ka ke ho hlophisa Mangolo, hoba mohlomong nakong e tlang, ha ke tsebe se tla hlaha, empa ha Morena a ka baballa, letsatsi le leng ho hlophisa kopano ea matsatsi a supileng ka tabernakeleng ka *Litiiso Tse Supileng*. Re bile le Mengoaha E Supileng Ea Kereke, joale re tla kenela matsatsi a supileng a litiiso tse supileng tse mohlolo tsa Molimo, ho manolla tiiso ka bosiu ho fihlela e fihla e theohela ho Litiiso Tse Supileng. Joale, ha ke tsebe mohla Morena a tla hlahisa hoo, empa, haeba A ka etsa joalo, ke tla mpe ke ale motheo oa eona hoseng hona.

⁷⁰ Le ho theohela litemaneng tsa ho qetela tsa lena leng- . . . sekotoana holimo mona, kapa karolo ea Lengolo, re tla kenya *Liveke Tse Mashome A Supileng Tsa Daniele*. 'Me liveke tse tharo tsa ho qetela, li lohana le Jubilee ea Pentekosta e fihlisang batho ho ea ho qe- . . . litiiso tsa ho qetela, le ho lula ho itokisetsa mohla Konyana e tla manolla litiiso.

⁷¹ 'Me, le hopole, litiiso ke ntho e mohlolo. Buka e ne e tiisitsoe 'me e le ka morao, e tšoere litiiso tse supileng tse neng li sa senoloa esita le ka har'a Buka. Lintho tsena ebile ha li a ngoloa ka har'a Bibele. Empa, haeba motho mang a ka e hhalosa, e tlameha ho khemisana le Bibele eohle. 'Me, oh, ke tiile hoba e tla le hlohonolofatsa, kapa ke kholoa joalo. Ke tsepile le tla etsa joalo.

⁷² Ke sa tsoa apara baki ka nako feela tlase mona leseling lena la hoseng, hobane e ne e le . . . E ne e le ha ke lutse ka mono, ke bala, 'me Moea o Halalelang oa fihla ka moroallo holim'a ka feela oa nkapesa hape le hape ka molemo oa Oona. 'Me ke . . . Eare ha ke bona seo, ka nahana, "Oh, holane nka e bua kamoo U mphang eona mona, re ka kena nakong ea makhonthe." Empa,

ka mokhoa, ha u fihla pel'a batho, ha u ikutloe se sa ha u lutse thapelong boinotšing, kapa ntho efe esele.

⁷³ Empa, joale, ho qalisa morao ka litemana tsa pele, re a fumana... Joale, ho ala motheo moo re e siileng Sontaha se fetileng, mona re fumana Pauluse, koana ho Baefese 1:13 le 14, a re boleletse hoba re... re tšoere tebeletso ea poloko ea rona, tebeletso ea topollo ea rona. Hoba Moea o Halalelang ke tebeletso ea topollo ea rona. 'Me sena... Liveke tse tlāng tse 'maloa tsa thuto tsohle li tla be li theiloe holim'a topollo, le a bona, holim'a topollo, e sang holim'a ho beoa ba lōkileng. Che... E theiloe holim'a topollo; e sang holim'a e—e phaposi ea boemeli ba bobuell, empa holim'a ho *lopolloa*. Oh, lefa le lahluoeng kapa le ileng la nyahlatsoa le lopolotsoe re le buselitsoe hape, le kamoo e etsahetseng eohle le kamoo Molimo o e rerileng le pele lefatše le eba teng, le kamoo tsetleli ea Kereke e tiileng kateng.

⁷⁴ Ke hopola ho fihlile mohla re tlamehang ho tseba mokhoa oa ho ema. Ebe u ka finyella'ng u se na tumelo ho seo u se etsang? U tlameha ho ba le tumelo. 'Me ke morero oa ka ho etsa sena 'moho le kereke mona, ke ho fa balumeli tumelo le tšepo holim'a seo ba se emetseng, hobane ke Lentsoe la Morena. Ka hona haeba e hlomamisitsoe ka Lengolo ka borena ho qala Genese ho kena Tšenolo, ho ea morao le pele, le holimo le tlase, ha ho mokhoa ho diabolosi ho hata a kena mono nqa efe, u ka kholiseha ka ho phethehileng, le a bona, u tseba moo u emeng teng.

⁷⁵ Ho ka ba joalo le ka khaitseli oa rona mona ea setulong sa bakuli, kapa bakuli ba bang le ba mahlomoleng. Ha u ka utloisia ka ho phethahala hore "ke boithatelo bo molemo ba Molimo ho u folisa," ha ho bademonba lekaneng naheng ho u kulisa. Le a bona? Ke hantle, ha u utloisia hobane ke boithatelo bo molemo ba Molimo ho u folisa, hore O u etselitse eona, le ho utloisia kamoo u tlamehang ho tloha u ea etsa ntho e itseng.

⁷⁶ Ke taba e tjena. Holane ke u boleletse ka pelo ea ka eohle... Holane u ne u lapile, u bolaoa ke tlala, me u ntšepa joaloka motho oa 'nete, 'me ke u boleletse moo sekete sa didolara se leng teng, u tla se finyella joang, ho sala tsela efe morao, ho ea kae hantle, 'me u utloisia hantle moo chelete e behiloeng teng. Le a bona? U tla qala u thaba hona hoo, hakaalo kaha u fumane chelete, haeba u nkholoa.

⁷⁷ Ka hona, u a bona, le pele u fumana... ho ikutloa ka ho fapanaka kapa letho le sele, u ka thabela pholiso ea hau ua re "ke e fumane," hoba u khotsoe ruri hoba u e fumane, hobane u na le tšepo ho Ea u tšepisitseng eona. Le a bona? Le a bona? Tšepo ea hau—ea hau e Mo tlaleha a ke ke a bua leshano, hape O u boleletse hantle moo e neng e robetse teng, ke moo u—u nang le tšepo hore u a tloha, u se u e fumane, hobane eo ke tumelo ea hau e leng tebeletso ea topollo ea hau.

⁷⁸ Ka mantsoe a mang, u ntse u leka ho lopolloa boloetseng, 'me tumelo ea hau ke kholiso ea lehlohonolo leo...kapa, ke rialo, ke tebeletso ea pholiso ea hau. Haeba feela ntho e bua ka pelong ea hau, "Ke 'na Morena ea *u folisang*," ho lokile hakaalo feela, ke phetho seo u se hlokang. Ho joalo...Oh, u ka qala ua thaba hakaalo feela, ho sa tsotelehe se etsahalang. Ha u sa e fumane, haeba u mpefala, u sa ntse u thabile joaloka mehleng, u ne u phetse ka phetheho, hobane u khotsoe hore ho felile. Ba e utloisisang ba ba kae joale, ha re boneng letsoho la lona. Ke moo. "Ke bopaki ba lintho tse sa bonoeng."

⁷⁹ Joale, re fumana qalong ea pele ea khaolo ena, re fumana ea pel... khaolo ea 5 e mpa e le boloko bo tlamang feela, ke e—ke e—ke lehokelo la daemane le tlamang karolo ea ho qetela ea mongoaha oa Kereke, oa khaolo ea 3. Khaolo ea 4 e tlaleha hoba Johanne o ile a nkeloa Leholimong. 'Me khaolo ea 5 e hlophisetsa tsena... Moo le fetileng har'a Mengoaha E Supileng ea Kereke, Johanne a ntoo nyolloa khaolong ea 4. 'Me khaolo ea 5, mona o hlophisa tema ea pulo ea Litiiso tse Supileng. Joalokaha a entse khaolong ea 1 ea Tšenolo, ho hleka tsela ea pulo ea Mengoaha e Supileng ea Kereke (ke eo O eme mahareng a likandelare tse supileng tsa gauta, A le joaloka lejoe la Jaspere le Sardone) 'me O ntse a hlophisetsa eona Mengoaha e Supileng ea Kereke.

⁸⁰ Joale O hlophisetsa pulo ea Litiiso tse Supileng tseo tsa topollo. Le a bona, ke seo khaolo ea 5 e leng sona. Lebaka leo ke e balang le ho qala feela ho tloha moo, le ho bua ka eona le ho fana ka likarolo tse ling tsa Lengolo; ke hobane ha se temana ka temana, ntho e etsahalang, e hlophisetsa ketsahalo ea ho hong. 'Me ha u ka tšoara tlhophiso, u mpa feela... u se u itokiselitse eona. 'Me le ka tumelo ho joalo kapa ntho efe feela. Joale, sena, litiiso...

⁸¹ Ke ngotse Mangolo a 'maloa le litšaoelo fatše mona. Joale, ho Baefese 1:13-14, re... ha u batlile ho le ngola fatše, ho re, "Hona joale re tšoere tebeletso. Moea o Halalelang ke tebeletso ea lefa la rona." Ka mantsoe a mang, Ke tiisetso, *tebeletso* ke "tiisetso," ke "peeletso," e reng re amohetsoe ka ho Kreste. Ke tšepo e bokoang le tiisetso e reng re ruile Bophelo Bosafeleng le majalefa a sohle seo A re reketseng sona. Oh, khili! Na le a e bona?

⁸² Oh, haeba re tiisitsoe ke Moea o Halalelang (ha ke phetse ho e qotsa hoba ke sa batle ha le ka e fosa), ke tiiso ea Molimo e tlalehng lintho tsohle tseo Kreste a li shoetseng e le tsa rōna. Ke Molimo o reng, "Ke u amohetse joale, 'me Ke tla u fa Tiiso e reng u mpa u emetse nako eo feela," ho isa topollong ea rona e tletseng, 'me ke hore re se re lopolotsoe ka sets'oanelo.

⁸³ Joalokaha ke buile Sontaha se seng, ke a kholoa, tlase *mona* moleng ona ho sasanka moetsalibe: qhafutso, seretse, tšila, sekoli. Joale, eena... e ka ba ba hloekile joaloka...ba ka tola lihoreng tse 'ne, ba apara liaparo tse fetisang, e be lirutehi

tse koetlehileng; feela ba silafetse ba le lišila se sa mabota a motlepere a lihele, souleng ea bona. Le a bona?

⁸⁴ Joale, Mokreste o phahamela holim'a ntho eo, hobane o tšoere tebeletso ea lefa la rona holimo *mona*. O phahamisitsoe, ho inoloa motlepereng oo le litšila; holimo *mona*, 'me o kaletse holim'a eona. Oh, ke rata seo! Joalokaha Paul Rader a boletse mohlang oo holim'a sekoko, le a tseba, o itse, "Ke se palame! Ke mpa ke se palame feela!" E hona moo joale:

Kholiso e bokoang, Jesu oa me!

Oh, ke tatso e kakang (ke lumeletsoe ho momona Selibeng.) ea Khanya e Mokhethoa!

Mojalefa oa poloko joale, ke rekolotsoe ke Molimo,

Ke tsoetsoe ke Moea oa Hae ke hlatsoitsoe Maling a Hae.

Ha se mohlolo ha e le pale ea ka, e le thoko ea ka,

Ho bina lipoko tsa rona-... ho bina lithoko tsa Oona matsatsi oohle.

⁸⁵ Le a bona, ho nyolleloa holim'a meriti, ho qaolloa reberebeng, molakatsoane! Joale re tšoere tebeletso ea lefa la rona le felletseng, hobane Molimo o se o lokolotse metso e mobung ho tsoa linthong tsa lefatše 'me o re lemile libakeng tse phahameng; ho mphahamisetsa kantle, ho ntlhomma-bocha, ho mphethola ho tsoa linthong tsa lefatše; ho fothola metso, makala, sohle, le ho mphahamisa, ho tsoa qhafutsong ea letsopa, ho tsoa qhafutsong ea khale sa sebe; 'me oa ntema holim'a Leralla la Sione, ke lutse tšimong ea moratuoa, Bahalaleli ba Molimo. 'Me joale re baahi ba 'Muso oo, baena le likhaiselsi ho Kreste Jesu, litšila tsohle le mooa le bosoro li faletse mehopolong ea rona. Metsi a rona... mebele ea rona e hlatsoitsoe ke metsi a hloekileng 'me lipelo tsa rona lifafalitsoe ka Mali a Morena Jesu, 'me Moea o Halalelang o ahile kahare 'me moea o mosesane oa Oona o pholletsa makala a rona letsatsi lohle, ho re khothometsa le ho re hatella le ho re thusa ho tsetela metso hantle le ho melela tlase botebong. Na ha e babatsehe? "Tebeletso ea poloko ea rona."

⁸⁶ Lefa la rona le timetseng, khaolo ena e a senola. Lefa la rona le timetseng le boetse le tsekiloe ke Molopelli oa Leloko, ea mosa ea theko e thata. Kamoo Molimo o theohileng le ho ba... ho fetola lesira la Oona ho tsoa ho Molimo oa etsoa motho, hore e tle e be motho, ho ba Molopelli oa Leloko oa motho, ho lopollela hape lefatše la tlhaho ho batho ba tlhaho. Amen! Kamoo Molimo (Mohlolehi) o fetohileng tlhaho ho fetoha oa Leloko le haufi, hoba O ne o ka sitoa ho tlola melao ea Oona ka Sebele. Oa na oa tlameha ho tla ka to-... bolopolli ba leloko le haufi hoba e le tsela eo O... leo ke leano la Oona. Ke kamoo O e sebelitseng.

⁸⁷ Molimo ka ho tseba motho a tla sitoa, feela O ke ke oa etsa hore motho a sitoe. Molimo ka ho tseba motho a tla lahleha, leha koana O sa batla hoba mang a ka lahleha. Empa e le hore litšobotsi tse kholo tsa Molimo li bonahatsoe ho batho bohle, hore E ne e ka ba Molopolli, E ka ba Mopholosi, motho o ne a tlamehe tlola. Ho tlola ho ne ho ikahetse ho eena, hape ho ne ho ikahetse ka ho Molimo ho mo lopolla hape. Hoo ke re-... bosiu bo tlameha ho phirima, ho hlophisa letšeħare ka nepo. Maloetse a tlameha ho re tšoara, re tle re thabele katleho ea 'mele. Tsohle, botle le bobe. Joale, 'me Molopolli oa rona oa Leloko . . .

⁸⁸ Joale, ke batla hore le hlokomele mona. Ke shebile hantle tlase khaolong ena ea 5, eareha a e talima, "Se tšabe!" Temaneng ena ea 5, "Se tšabe!" Le a bona, mono kamehla . . . Ha u batle ho tšosoa ke letho.

... *e mong wa baholo o itse ho 'na, Se lle: bona, Tau ya leloko la Juda, Lehломела la Davida, o se a hlotse ho phetla buka, le ho manolla litiiso tse supileng tsa eona.*

... 'me, bonang, ka hara... bonang, mahareng a terone le... libata tse 'ne, . . . har'a baholo, ho eme Konyana . . .

⁸⁹ "Konyana." Hobaneng a sa ka a bona Konyana pele? Konyana e sa le e lutse Teroneng ea Ntate, ka hare ho-ho balebeli. Johanne o sitiloe ho bona ka mono, a mpa a bona lihlooħo-nne tseo . . . kapa libopua tseo tse 'ne tse emeng mono, kapa Likerubime tseo tse 'ne tse emeng mono li lebetse Nqalo e Halalelang. 'Me re e fumane Sontaha se fetileng, le koana lithutong tse ling, hore o bone ntho eo feela o sitiloe ho bona mose oane. 'Me ka mono, hang feela, ha hlaha . . . ka mohlolo feela, ka potlako, ho hlahile e Mong, Konyana.

⁹⁰ Joale, ho bontša hore E ne e se sebata sa tloaelo, konyana, hobane E nkile Buka letsohong le letona la Ea lutseng Teroneng; konyana e be e ka sitoa ho etsa hoo, le a bona. E ne e le—E ne e le—E ne e le Konyana, e ne e le Kreste. Ka mantsoe a mang, litšobotsing tsa Hae O ne a le bonolo le mosa joaloka konyana.

⁹¹ Joale, hlokomele, e ne e le Konyana Molopolli, Konyana Molopolli joaloka oa pele. Molimo o ke ke oa fetoh le ka mohla! Amen! Molopolli oa pele e ne e le konyana, tšimong ea Edene, e ne e le konyana eo Molimo o e hlahisitseng. 'Me ke ena hape, koana hole ho Tšenolo, ke Konyana hape. Ho lopolla eng? Maemo a oeleng le lefa le oeleng la moloko o oeleng oa batho. Konyana e khutla ho lopolla, joaloka ea rona tšimolohong, ho re lopolla.

⁹² Ho lopolla eng? O tla re lopolla mabapi le eng? Ho roba . . . ho e tlisa ho . . . Ntho efe e lopolotsoeng ke ntho e lahlehileng. Ke ntho e lahlehileng e ntoo busetsoa. O re khutlisetsa ho eng, Konyana ee? Sohle seo re neng re se ruile qalong.

⁹³ Re ne re ruile eng qalong? Bophelo Bosafeleng. Re ne re le majalefa a lefatše. Re ne re ruile Bophelo, re ne re sa tlameha ho shoa. Re sa tlameha ho kula le ka mohla. Re sa tlameha ho tsofala. Re sa toute le ka mohla. Moo ho seng mapato, ha ho mabitla, ha ho bokhopo, ha ho lefu, ha ho meriri e meputsoa, ha ho mahetla a kobameng, ha ho bofifi, ha ho sello. Re ne re ruile Bophelo, Bosafeleng! Re ne re rena holim'a holim'a lefatše lohle. Re ne re le molimo feela (ke phetho) holim'a lefatše; ho itsamaela, 'me ha sefate sena se eme mono se bonahala se sa loka, re ne re ka re, "Koqoha u fallele ka mona," 'me se etse hoo. Meea ha e foka, re sa batle meeaa ha e foka, "Khotso, khutsa," 'me ho be joalo. 'Me O tlide ho etsa'ng? Ho lopollela tseo tsohle ho rona hape (Oh, oh, oh, oh, oh, khili!), ho busetsa tseo tsohle hape.

⁹⁴ 'Me joale tlhaho eohle ka seqo e a feheloaa, e emetse eng? Liponahatso tsa bara ba Molimo, hore bara ba Molimo ba bonahatsoe.

⁹⁵ 'Me re tšoere tebeletso ea pholoho ea rona joale, le ho nka moena oa rona ea bolaoang ke mofetše, le ho ema ka bohashana boo ba phefumolohoa topollo, le ho rapela thapelo ea tumelo holima hae e ka busetsang seriti sa motho ho monna ea phelang hantle; re tla etsa'ng mohla leruo le tletseng le fihlang? Amen!

⁹⁶ Tlhaho e tseba seo. Tlhaho e a feheloaa le rona re feheloaa le eona 'moho. Tlhaho e emetse liponahatso tsa bara ba Molimo, hobane tlhaho e ne e rohakoe le mong'a eona. Mohla mong'a eona a neng a rohakoa (ea phahameng ka ho fetisisa), joale tlhaho e oele le mong'a eona. Empa e tla re ha Molopolli enoa oa Leloko a fihla (Alleluia!) le ho lopolla ho busetsa monna e leng mong'a tlhaho. Ha ho le joalo tlhaho eohle e emetse monna, mong'a eona.

⁹⁷ Re etsa'ng? Ho qotsa selepe re se sunya matsohong a rona le ho rema sefate ha re batla; empa ha re ka ke ra etsa joalo mohlang oo. Amen!

⁹⁸ Tlhaho eohle e lebeletse mong'a eona. 'Me mong'a eona ke bara ba Molimo ba filoeng lefatše lena. Joale, Molimo o tla ipolokela maholimo a Oona, ehlile, empa sena se fuoe motho. 'Me Molopolli oa Leloko o tlide ho re lopollela morao ho se re lahlehtseng. Ho babatseha hakakang! Khele! Ke nahana feela hore ke . . . "Konyana Molopolli."

⁹⁹ Mohla mosebetsi o qetiloeng, re buselotsoa lintho tsohle hape. Lintho tsohle tsa mofuta ofe? Re ruile matla ohle. Re ruile Bophelo Bosafeleng. Re ruile katleho ea Bosafeleng ea 'mele. Re ruile bocha ba Bosafeleng. Re ruile matla a Bosafeleng. Oh, re mpa re le ba Bosafeleng feela 'moho le Bosafeleng! 'Me, hape, bohle re emetse mohla nako eo e tla fihla, ho lebella le ho feheloaa, ka tebello.

¹⁰⁰ 'Me Buka ena e menahaneng hasupa ea merero e supileng ea topollo re e tliselitsoe, 'me ke sona seo Buka ena e se tšoereng. Joale, re tla kena khaolong ea 10 moo Lengeloi le matla lena le

tumisang se seng se . . . 'me Le ne le tšoere Buka e nyenyane eona Johanne a loketse ho e ja. 'Me hoba a etse, a e metsa maleng a hae ea baba, empa molomong oa hae e le monate.

¹⁰¹ Mohla u tlamehang ho E thuisa, e a baba, mang le mang o khahlano le uena, bohole ba re "U mopitiki ea halalelang, u *sena, sane*, kapa se *seng*." Le a bona? "U a—u a—u fapané hlooho." Ka hona ho thata ho E thuisa; empa ha u paka ka Khanya ea Oona, E monate melomong ea hau. Ke phetho. Le a bona? 'Me ha u ema kopanong, u re, "Khanya ho Molimo! Alle— . . ." Oh, ha u feta thibella e kholo eo, ho thata; empa ha u tsoile lelimong le leholo leo u ka paka ka eona, ke mohla E leng monate melomong. Le a bona? Ke hantle. Eo ke Buka ena ea topoollo.

¹⁰² Joale, joale, re sa batla ho hlahisa papiso e le 'ngoe hape temaneng ea 5 mona, re ntoo qala hape ho . . . ho tšoara temana ea rona 6 le ho thakhoha. Joale, ke batla hore le lemohe leanong la topoollo, kamoo Molimo o e supileng ka seriti, O e rarolotse ka bophethehi ho Ruthe le Boase. Ke . . . Re khaolitse mono Sontaha se fetileng. Joale, ke batla ho qala hantle mono joale, kajeno, ka Ruthe le Boase.

¹⁰³ Joale, ho fumanoa maemelo a mane, kapa, mateano a mane ho Ruthe le Boase. A pele ke Ruthe ea etsang *qeto*. Ba ba kae ba kileng ba utloa e . . . ke rera molaetsa? Ha re boneng matsoho a lona. Ke a tseba . . . Be, kaofela ha lona, ke a kholoa. Nkile ka o tšoara mona, le ho hatisa mabanteng le joalo-joalo. Ruthe, pele, o ne a tlameha ho etsa *qeto* ea hore o tla kena naheng ena, kapa che, le Naomi. A lokela ho etsa *qeto*. Hoba a fihle mono, ntho e latelang a tlameha ho *sebeletsa* tšimong ea Boase; kantle mono, a sa roala lieta, a khoahlapisa a setse bakotuli morao, ho sebetsa. 'Me hoba a bone mohau mahlong a Boase, joale a tlameha ho *ema* ho fihlela Boase a phethisa topoollo ka mali a lesika, ho busetsa Naomi sohle se mo lahlehetseng e le ho kenya Ruthe, Momoabe. 'Me mohato o latelang, ke—ke Ruthe ea *putsoang*.

Joale, hlokamelang. Ruthe, o etsa *qeto*, ka ho phethahala . . .

¹⁰⁴ Oh, motho ea reng "Bibele eo ha e a bululeloa," phoso e teng ho bona. Lentsoe le leng le leng la Eona le bululetsoe, Lentsoe le leng le leng la Eona le lohana joaloka mohatla oa leeba holim'a e—holim'a e—lepolanka. Le khema 'moho joaloka liase tsa lebili le leholo le phethohang, le beetsoe nako ho fihla sekotong sa motsotsoana, oa limilione hantle feela.

¹⁰⁵ Joale, lemohang tabeng ena joale, Ruthe, ea etsang *qeto*, a tlameha ho etsa *qeto* e reng o tla ea koo kapa che. O ne a tlameha ho etsa *qeto*. Joale, le molumeli ka mong o tlameha joalo. U tlameha ho tela lintho tsa hau tsa khale, u tlameha ho tela bophelo ba hau ba khale, u tlameha ho tlohela lintho tsa khale—lintho tsa khale tsa lefatše.

¹⁰⁶ Moena Roy, na Khaitseli Roberson o a kula? Oh, ke hopotse feela a kula kapa ho hong. Ke ne ke tla re u mo nyollele mona haeba a kula kapa ho hong.

¹⁰⁷ Ba ne ba tlameha ho tela litemalo tsa bona tsa bophelo ba khale, kapa ntho e kang eo, le—le ho tšeleta naheng e ncha, le sechaba se secha u sa kang ua se tseba pele. Na le entse hoo, ha u fetoha Mokreste? U tetse phaposi ea phulu, u tetse li-naetetlelapo. Ua tlameha ho tsoakana le sehlopha sa batho ba kang ba a thefuleha, ba reketla ba tsukutleha ba lla, ba tsokotsa hlooho tsa bona ba qhomela holimo-le-tlase, 'me, khele—khele, e ne e le—e ne e le—e—e “mphi ea mahlanya” ho uena. Ua na ua tlameha ho etsa qeto hore u tla ea kapa che. Ke hantle. U tsebile hoba ha u entse, batho ba heno ba tla u soma, bao u kileng oa ba tlohela. Na ho joalo? E iketsahalla feela. U mpa feela... ba ne ba loketse ho lebella seo le ho qaleng, hoba ehlile ho joalo.

¹⁰⁸ Joale, Ruthe o fumane hona hoo. Bamoabe ba tla reng ho eena ha a parola a tšeleta koana ho ea ho Iseraele, ho sehlopha sa mahlanya? Le a bona, a loketse ho etsa qeto. A lokela ho etsa qeto. 'Me le uena u tlameha ho etsa qeto. 'Me, qetellong, hoba a etse qeto ea hae, a kena e—e naheng e ncha.

¹⁰⁹ Joale, eo ke tokafatso. Na ho joalo? Joale, hlokomelang sena Kereke. Oh, e phethahetse.

¹¹⁰ Le tseba kamoo re... Ba ba kae ba lona ba utloileng *Peo ea Abrahama* mohla ke ne ke e rera? Ka moo *tokafatso, khalaletso, kolobetso* ea Moea o Halalelang. Joale, bonang haeba sena se lokile kapa che.

¹¹¹ Ruthe, a etsa *qeto* ea hae, papiso ea Kereke, Kereke ea Balichaba. A etsa qeto, 'me a tšeleta naheng. Joale, hangata, rona Mamethodise le Mabaptise, re hopola e le phetho seo le lokelang ho se etsa. O ne a sa tsoa qala feela! O ne a eso khathe tema, o mpa a kene naheng feela.

¹¹² Joale, a tlameha ho etsa ntho e latelang, a tlameha ho *sebetsa*. A fetoha motho oa thutamolao. A tlameha ho “sebetsa pholohoa hae ka tšoho le ka thothomelo” joalokaha le lona le entse. A tloha a kena tšimong 'me a apara liaparo tsa hae, eaba o tsoela tšimong a khoahlapisa a setse baroetsana ho fumana lijo tse matlafatsang tsa letsatsi leo. Na ho joalo? O ne a etsa'ng? O ne a leka ho fumana mohau ho Boase. Ebile o sebetsa a haola mokhahlelo oa molao.

¹¹³ 'Me le Kereke e entse hona hoo hantle. Maluthere a Le dumetse ka tumelo 'me ba kena naheng. Empa Methodise ea ruta khalaletso, eona e le ntlhakemo ea Lona ea molao, le a bona, “U tlameha ho etsa ho hong.” “Ke tlameha ho tela! Ke tlameha ho tela ke holise moriri,” basali ba itsalo. Ehlile, ha ba sa e etsa; empa ba—ba kile ba e etsa, ba holisa moriri oa bona. Ba tlameha ho tela liferefe lifahlehong tsa bona. Ba sa apare lik'hete tsa bona—tsa bona tse phoso le—le, kapa, likhutlela joaloka ba bang.

Ba lokela ho etsa ho hong. Le a bona? Ke seo a se entseng, boemo ba tokafatso, boemo ba khalaletso.

¹¹⁴ Joale, qetellong hoba a bone mohau ho Boaze, ha etsahala'ng? Naomi a ntoo re ho eena, "Uena u *eme* mona ha Boase a ntse a phethisa mosebetsi oa molopolli oa leloko, hobane e ka etsoa ke eena feela. Ke molopolli oa leloko la rona ea hlahlamang, 'me uena u *eme* mona feela. U se hhole u kena masimong. U se etse *sena*, *sane*, kapa se *seng*. U *eme* feela ho fihlela topollo ea oa lesika e phethiloe." "Me o ile a *phomola*. Amen!

¹¹⁵ Kereke e fihlile mono hantle mokhahlelong ona oa ho qetela oa Pentekosta. Le a bona? Qalong ea Pentekosta bohle ba ile ba sebetsa 'me ba "tlameha ho etsa *sena*," 'me ba ba sisinyeha le ntho eohle. Joale ebe Kereke e etsa'ng? Kereke ea 'nete e *phomotse* feela. Phomolo ke eng? Ke ena, *Phomolo* ke "Moea o Halalelang," letsatsi la *sabatha*. (Masabatha ba batla ho re bolella, le a tseba, ho thoe ke sabatha ea letsatsi la bosupa kapa ntho e kang eo.) Ho Baheberu khaolo ea 4, e itse, "Rona ba keneng *Phomolong* ea Oona re phomotse mesebetsing ea rona joalokaha Molimo le oona o phomotse ho ea Oona." Ka hona *sabatha* ke Moea o Halalelang.

¹¹⁶ 'Me mohla Ruthe a neng a *phomotse*, e ne e le papiso ea Kereke e phomotseng lipallong tsa Molimo! Re tšoere tebeletso ea poloko ea rona. Ha re lohothe ka hore na re ea koo kapa che, re a ea! Ke hantle. Molimo o itsalo! Molimo o e tsepisitse 'me re tšoere tebeletso (Amen.), e se e amohetsoe, Kreste o re amohetse. Ha ho mokhoa oa ho E balehela joale, re fihlile! Amen! Sohle seo re lokelang ho se etsa ke ho ema feela ho fihlela... O nka... O tlase o ntse a phethisa mosebetsi oa Topollo ea Lesika. Re tšoere tebeletso ea rona ea eona hona joale hantle, re emetse mohla A tla khutla.

'Me joale ntho e latelang eo Ruthe a bileng eona, Ruthe o ile a *putsoa*.

¹¹⁷ Ke seo Kereke e se entseng. E kene tokafatsong, tlasa Luthere. Ea kena khalaletsong, tlasa Wesele. Ho kena kolobetsong ea Moea o Halalelang, matsatsing lena la qetelo. 'Me joale ho *phomola* ka tebeletso ea lefa la rona moo re tsebang hoba ntho e etsahetse ka ho rona, re tlohile lefung ho kena Bophelong, 'me re lebeletse, re fehelloa le tlhaho 'moho, bakeng sa mohla re tla amohela Bophelo bo sa shoeng, bottlalo bo sa shoeng; mebele ea rona e tla lopolloa. Ntho ka 'ngoe e lopolotsoe, 'me re mpa re Mo emetse ho khutla ho tsoa khorong. Amen!

¹¹⁸ E ntoo ba eng? Ruthe o ile a *putsoa*. Ke mohla re tla putsoa. Ke sona seo Buka ena e tiisitsoeng hasupa e tla re bulela sona. Lintho tsee ke ling? Ke liphiri. Ha li a ngoloa Lentsoeng, li tlameha ho senoloa ke Moea o Halalelang; empa ha le ka elelloa, hantle-ntle, li senotsoe hohle ho haola le Mangolo empa esale li

patetsoe batho. Ha re fihla ho moqolo ka mora nakoana, le tla bona kamoo o neng o hlophisisitsoe, le tla tseba kamoo lintho tseo li manolloang kateng.

¹¹⁹ Joale, e, ho *phomola*. Seo Ruthe tlasa tokafatso... Le a e bona na, e reng "Amen." [Phutheho e re, "Amen!"—Mong.] Ruthe tlasa khalaletso, ho *sebetsa* ka thata, ramolao. Ruthe, o *phomotse*, o emetse Boaze ho boea mosebetsing o phethiloeng.

¹²⁰ Joale, Boase oa rona o ile a qeta mosebetsi mane Kalvari. Empa pele A tla re isa Lehaeng la Hae, O ea Hae pele (ho Johanne 14) ho re lokisetsa bolulo. Khanya!

Lipelo tsa lona li se ferekane: haeba le lumela ho Molimo, le ho 'na le lumele.

Meaho o mengata ka tlung ea Ntate: holane ha ho a ba joalo, nka be ke le boleletse. Feela ke tla ea le ho le lokisetsa bolulo.

Le... khutla hape, ho le amohela...

¹²¹ Le a bona, Boase o a theoha, o ile a etsang? O theoha, o a ema... ho nka baholo a tsoela khorong, a rola seeta sa hae, le ho re, "Ho ke ho tsejoe kajeno hore ke lopolla Naomi le lefa lohle la hae." A ithuela Momoabe 'moho le lona.

¹²² 'Me mohla Jesu a tlileng, O ne a ttile ho lopolla mang? Iseraele. O ile A etsa'ng ka ho nka Iseraele? O fumane Monyaloa oa Molichaba. Ehlide, O e entse, mohla A neng a nka Iseraele. O ile a ea... 'Me O ile ho ba Habo, O ne a loketse joalo. Ntho ea pele A lokela ho etsa'ng pele? Ho lopolla ba Hae ka Sebele. 'Me Kereke ea Balichaba e mpa e le khaitseli ea mosali eo, kereke ea Iseraele. Ruri! Ka hona O ne a loketse ho lopolla Iseraele ho fumana *Sena*. 'Me o ne a loketse ho lopolla Naomi ho fumana Ruthe, monyalua oa hae.

¹²³ Joale, o ile a etsa'ng? Pele a ka mo nka... Oh, khanya! Shuu! O ile a etsa'ng? O tsoela polasing, ke kholoa a ile a farefa ntho eohle a ala likapeiti tse ncha mokatong. Oh, ekaba o—o ile a haha ntlu e ncha. (Lebakeng la rona, ke Ntlu e ncha.) 'Me a lokisa sohle, eaba o khutla a jere korosaje ea lenyalo. Amen!

¹²⁴ Ruthe o ne a etsa'ng? A sa etse le letho. Ho phomola! Ho ema! Matsapa ha a sa le teng, ha ho pherekano!

¹²⁵ "Na ke tlameha ho ba Methodise? Na ke tlameha ho ngolisa le Baptise? Na ke tlameha ho ba Presbeteriene?" Che, monghali, fumana Moea o Halalelang feela 'me u phomole. [Sekheo lebanteng—Mong.]

Re lebeletse letsatsi le monate la Sekete sa
lilemo, (Khanya!)

Morena rona ea bokoang o tla tla nka
Monyalua oa Hae ea letileng;
Oh! Lefatše le tsetsela, le llela letsatsi la
tokoloho e monate, (kaofela eohle: tlhaho

ea feheloa, mahlaku a feiga, ntho tsohle li
emetse letsatsi leo la tokollo e bokoang.)
Molopolli oa Leloko o tla khutla ho nka
Monyaluoa oa Hae.

¹²⁶ Joale O phomotse. Tlas'a khalaletso? Che. Tlas'a tokafatso?
Che. Empa tlasa *tokafatso*, *khalaletso*, le ho kena *Phomolong*.

¹²⁷ Joale, Esaia, khaolo ea 28 le temana ea 18, E re:

*...taelo holim'a taelo, ...mola holim'a mola, ...
hanyenyane mona, le hanyenyane mane: le tiisetse se
molemo.*

*Ka baka leo ke ka melomo e kokotletsang le ka lipuo
esele tlang ke bua le sechaba sena.*

*...'Me ena ke ngalo ea phomolo, ena ke sabatha...ke
mohla Kereke e kenang ho ema.*

¹²⁸ Shebang kamoo re tlang re haola ka tokafatso, khalaletso, joale ho kena kolobetsong ea Moea o Halalelang: ho phomola, ho lebella. Eng? 'Me joale, joale, ha re fihla litšenolong tsena le tla bona seo e leng sona joale. Le a bona? Kamoo feela... Lintho tsena li ne li ke ke tsa rutoa ho fihlela kajeno. Li ne li ke ke bo, li ne li ke ke tsa rutoa. Li ne li sa buleloa bara ba batho. Bibele e itsalo. Nka le supisa mona Lengolong hoba e boletse e ke ke ea buloa ho fihlela (bara ba batho), ho fihlela letsatsi lena. 'Me joale re e phethela ka lintho tsena tse kholo tse bokoang. Joale... Ho lokile.

¹²⁹ Temana ea 6... Kapa karolo ea 5, moholo o ne a nepile temaneng ea 5 ha a itse, "Bonang, Konyana!" Empa, eareha a qamaka, a bona Tau. E ne e le Tau sebakeng sa Konyana. Empa joale e ne e le eng? Mosebetsi oa hae oa bobuelli o ne o phethiloe, bobuelli. O ne a... ho lesa ho ba 'Muelli qetellong ea mongoaha oa Kereke, ho fetoha Tau ea leloko la Juda, mosebetsi oa Hae oa bobuelli o ne o pjethiloe. 'Me A tla fetoha Tau eona e ne e le Moahloli, joale, 'me Ea nka... mohla A neng a nka Buka letsohong.

¹³⁰ Joale, hopolang, e ne re ha motho a tloha ho ea lopolla (Le se lebale, joale.), e ne e re ha motho a il'o lopolla, a felehetsoe ke banna, ho ea likhorong tsa motse, bona e le baholo, 'me teng a—a—a tumisa morero oa hae ho ema mono. Ke seo a se entseng, o ile a ea khorong, ho re, "Mona ke itlaleha ke le molopolli oa leloko le oa lefa lena, 'me mona ke itsebisa pel'a baholo bana ba motse." Le a bona?

¹³¹ 'Me eitseha e... Johanne o ile a lla. Joale, e mong, joalokaha ke boletse veke e fetileng, ba itse, "Johanne o llile hobane a sa fumana motho ea nang le tokelo." E ne e se eona. Monna ea leng tlas'a pululelo ea Moea o Halalelang a ke ke a llisoa ke hoo. Ho nahana seo, "Hoba a ne a se na tokelo," ekaba Johanne ka seqo

o ne a se na tokelo. Ha ho motho ea nang le tokelo. Empa ha a llisoa ke hoo.

¹³² Ke kholoa a llisitsoe ke thabo hoba o ne a bone leano lohle la topollo le ngotsoeng Bukeng ena mona. E ne e se hoba ho se motho ea loketseng, hoba, Konyana e ne e eme hantle mono e na le tokelo. Eaba o a lla, teng a re, “Oh, ho tloltisoe Molimo!” Mo utloeng ka kotloloho ha a hlabla litlatse. Joale, empa mona re mo fihlela a llisoa hoba a ne a thabisitsoe ke Konyana e neng e nkile Buka bakeng sa . . . letsohong la Ea lutseng Teroneng.

¹³³ Mme hang hoba a etse . . . Eareha Lengeloi lena, Lengeloi le matlahali lena, la hooeletsa “Ke mang ea loketseng?” esale a bapatsa lekhatheng leo, a ntse a thaota ho fumana Molopolli oa Leloko. ‘Me hang kamora moo, a re, “Ke mang ea nang le tokelo ea ho nka Buka?” Eaba ho hong . . . Eaba Johanne o qala a lla. Ha ntoo etsahala’ng? O bone, Buka e ne e eme mono. È ne e le Eo, empa ea nang le tokelo e le mang?

¹³⁴ Be, mono ke ha ho eme Gabriele, ehlile, o ne a loketse; empa, le a bona, e ne e se motho, ’me e ne e le Lengeloi. ’Me mono keha ho eme Mikaele, o ne a loketse; empa e ne e se motho, e ne e le Lengeloi. E ne e loketse e be e mong ea fetohileng moperesone oa lefatše joaloka rōna. Me eareha ha a bona Konyana ena e hlabiloeng esale ho theoa lefatše, e nyoloha, ’me o Mo bone a hlabiloe leeto lohle ho isa motheong oa lefatše, eaba Johanne o a lla. Amen! Hoba e ne e le moo, o bone ntho eohlle. Le a bona?

¹³⁵ ‘Me hang hoba a bapatse “Ke mang ea loketseng?” o ne a tumisa ho tla ha Molopolli oa Leloko. ’Me E ne e eme mona, Konyana. ’Me O ile a etsang? A atamela Terone moo Moea oa Molimo o neng o le teng, le ho nka Buka letsohong le letona la Ea lutseng Teroneng. ’Me baholo bohle ba itihela fatshe ba re, “U loketse hobane U ne u hlabjoe.” Le a bona? ’Me eaba O fetoha lekhatheng leo . . . Buka ea Hae, kapa bonnyane Buka ea topollo, kapa—kapa Buka ya bobuelli mongoaheng oa Kereke o ne o felile, joale O fetoha Molopolli.

¹³⁶ Joale, tšenolo ea hore O sebelitse joang e tla ba kahara Litiiso tse Supileng tsena. Joale, re hlokomela ho . . . joalokaha Buka ea mosebetsi oa bobuelli ba Hae e se e phethiloe, mosebetsi o ne o felile, joale likhaolong tse tharo tsa pele tsa Kereke, ho felile. Empa joale topollo, topollo e tla senoloa. Ke eng? Joale, eitseha A nka Buka ena . . . Joale, lekang ho khoesa monahano oa lona o tebileng, hoba, ha re ka fumana masiu ana a supileng, le tla—le tla e fumana joale.

¹³⁷ Ha u sa e fumane, phahamisa letsoho la hau feela, ho re, “Ha ke tsebe—ha ke e utloisise,” le a bona, shebang, hoba ke batla le be le bonnete joale.

¹³⁸ Joale, hlokomelang “Topollo.” Kamorao, hang hoba bobuelli ba Hae bo etsesoe Kereke, ke moo A Itšenolang joaloka Molopolli oa Leloko. Le ntse le latetse joale? ’Me joale O tla

senolela Kereke kamoo A e sebelitseng. 'Me haeba tšenolo ena e fela e qalile, hoo ho paka re le pheletsong ea tsela. Amen! Joale, le a bona feela haeba Sena . . . haeba Se nepahetse kapa che, ha re ntse re haola Lengolo mona.

¹³⁹ Rea fumana: Ebe ho ne ho senoloa eng? Tšenolo ea topollo ke eng, re ne re lopolloe joang? Shebang mona feela se hlahileng lilemong tsena tse 'maloa tse fetileng: tšenolo ea Lebitso la Jesu kolobetsong ea metsi, tšenolo ea ha ho lihele tsa Bosafeleng, ha e eso tsebjoe pele (ho hopola baratuoa ba hau ba tla hlola ka Bosafeleng). Le a bona?

¹⁴⁰ 'Me u ke ke ua rua Bophelo Bosafeleng u sa bolokeha. Ha u ruile Bophelo Bosafeleng, joale u ke ke ua tuka liheleng ka Bosafeleng. U tla otleloa libe tsa hau ka bophelo ba hau ba tlhaho, empa u ke ke ua ba le Bophelo Bosafeleng liheleng. Haeba u ruile Bophelo Bosafeleng, u ke ke ua cha ka mehla hobane tšobotsi ea Bophelo Bosafeleng e 'ngoe feela. 'Me ke khotsoe hore Kereke e utloisia seo.

¹⁴¹ Joale, ke eng? Lintho tse ling ke life? Leano la topollo. Shebang feela seo Moea o Halalelang o re fileng sona morao-rao tjena, le a bona: Peo ea Abrahama, seo tšenolo e neng e se bolela.

¹⁴² Peo ea noha. Na le bona Buka ena ea Tšenolo? Le hlakomele ha re fihla ho eona, kamoo e phetlehang kateng. 'Me ke e pakile hantle mona ka Lengolo, ke 'Nete hantle. Ke khutlela morao koana ho Tšen- . . . kapa, morao koana ho Genese le ho e thonaka le ho bontša hore mohla tiiso eo e neng e manolloa e khutla hantle feela ho haola le Bibebe, ho tloha ho Genese ho isa ho Tšenolo.

¹⁴³ Nahana feela, ho tloha ho Genese ho isa ho Tšenolo ha ho motho ea kileng a kolobetsoa ka lebitsa la "Ntate, Mora, Moea o Halalelang." Ke kolobetso ea bohata! Nkile ka ema pel'a bareri ba makholo a mararo le ho hong ba mokhatlo o moholo oa baruti ba Chicago tsatsi le leng, le ho e paka ho fihlela bohle ba lla e mong ho e mong. Mashome a supileng a bona a tlil'o kolobetsoa ka Lebitso la Morena Jesu.

¹⁴⁴ 'Me peo ea noha esale e qalile ho tsoa ho Genese! Haeba noha e sa ka ea . . . haeba e ne e se na peo, ekabe'ba Kreste ha a tsoaloa; hobane O itse, "Ke tla bea hloeano mahareng a Peo ea hau le peo ea noha." 'Me haeba peo ea noha e ne e le tšōmo le Kreste e ne e le tšōmo, le Kereke ke tšōmo, le a bona ntho eohle, u ke ke ua e arola. Noha e ne e e-na le peo, 'me ke eona e ba tsekelisang kannete. Hobane'ng ba sa e utloisia? Hobane ha ba na tšenolo ea eona.

¹⁴⁵ Hobaneng ba sa tle ho phehisana le 'na ka eona? Sefala se butsoe ka linako tsohle, ke tla kopana le mang kapa mang. Nke ke ka ngangisana le bona, empa ruri nka rerisana le bona, ha ba batla . . . Ke ba botsitse hantle mono pel'a mokhatlo. Ke batla ba bang ba lona ba mpolelle moo e leng phoso! U se ke ua ema k'honeng 'me ua bua ka 'na, ka eona, tloo ka pel'a sefahleho sa

ka 'me u eme. Ha re—ha re e tšoareng ka 'nete, ha re tleng mona 'me re bone ea nepileng le ea fositeng ka eona. Empa ha batle ho hebisana le eona. Ha e le hantle, ba tseba hantle ho feta. Le a bona?

¹⁴⁶ Hoba, ha se 'na, empa ke Moea o Halalelang, lona Lengeloi la Molimo leo le le bonang. Ho ka thoeng matsatsi ana mona haele moo lintho tsena tsohle li etsahetse, 'me Lengeloi lena la Morena le eme haufi? Nka be ke sa tsebe lintho tsena, empa ke hora, e fihlile. Etlareha re feta hara Meea ena e supileng, linaka tse supileng, le lintho, kajeno, ha Morena a ratile, le tla bona moo e leng teng. Ke e—ke hora eo re leng ho eona eo litšenolo tsena li loketseng ho fihla. Ke Buka ea litšenolo, ho senoloa ha Jesu Kreste. 'Me re fumane, eona khaolo ea pele, O senotse hore E ne e le mang. 'Me joale O nka Litiiso tse Supileng, ho senola kamoo A lopolotseng lefatše.

¹⁴⁷ 'Me e 'ngoe ea tsona e ne e le ka Lebitso la Jesu Kreste. E 'ngoe e ne e le ho tlosa tšabo bathong, joaloka: Bosafeleng, topollo ea Bosafeleng, tokafatso ka tumelo, khalaletso, kolobetso ea Moea o Halalelang. 'Me ke eng? Hore re sirelelitsoe ka Bosafeleng, ho ntša lipelaelo tsohle bathong. Haeba u tšoere tebeletso ea pholoho ea hau, Molimo o se a u tiisitse ho fihlela letsatsi la topollo ea hau. Baefese 4:30 e re:

... *le se ka la soabisa Moea o Halalelang oa Molimo,*
oo le tšoailoeng ke oona ho fihlela letsatsi la topollo ea
lona.

¹⁴⁸ Joale, ebe u ka—u ka oa mohaung joang? U ka oa mohaung, empa u ke ke ua lahleha. 'Me ha u lula boemong boo, e supile hoba u ne u se na Eona qalong. Empa ha u le ngoana oa Molimo, "Morapeli ea hlatoitsoeng ha a sa na letsoalo la sebe," Baheberu e rialo. Ke 'nete. Kahoo u ke ke—u ke ke oa ba Mokreste, u ke ke oa ba le Moea o Halalelang 'me oa baleha oa phela lefatšeng. "Ekareha u rata lefatše, lintho tsa lefatše, lerato la Molimo ha le a aha ho uena." Ka hona u mpa u mametse molumo oa bohata nqa e 'ngoe, diabolose o u fetotse moikhohomosi ka bottlalo. Empa ha u hlahluba bophelo ba hau ka Lentsoe la Molimo 'me bo u supa u phela hantle tlase maqepheng ao a Bibele, e tla ba u fumane tsireletso ea Bosafeleng.

¹⁴⁹ 'Me ha ho tšabjoe letho. Seo Molimo o se tšepisitseng, Molimo o tla se etsa. Ke qholotsa motho mang ho nka seo. Nka seo u tsamaee ka Lentsoe leo, 'me u shebe se etsahalang ka uena. Moena, Le tla phethisa ntho eohle, Molimo o boletse. Sohle seo Molimo o se tšepisitseng, se tla etsahala.

¹⁵⁰ Ke... Erekaha ke se ke le boleletse hore mosebetsi oa ka o ne o qala, mona ho batla ho fetile lilemo tse leshome le metso e mehlano lefatše ho pota le ho pota, 'me ha Le eso hlolehe le ka mohla. Hobane'ng? Hobane, ha e le hantle, ke ile ka ema tšepisong ea Molimo. Ke tsebile hore E ne e le 'Nete. Ke mpe

ke se leke ho le bolella hore ke bohlale ba ka bo boholo, empa Ea senotseng liphiri tsa lipelo ke eena Ea mpontšitseng kahara Lengolo. Hobane esitile ke ne ke sa... mohla ke ne ke qala ho rera, lilemo tse ka bang mashome a mararo tse fetileng, Ke ne ke lulisa kharebe ea ka mono e bale Bibele. Ke sa khone ho E bala, ke se na thuto e kaalo. Khaitseli Wilson, u loketse ho hopola mohla Hope a neng a tloetse ho mpalla Bibele morao koana, ho lula le ho E bala, 'me ke re, "Utloang seo E se buileng, le etse feela seo E se buang. Ke phetho seo ke tsebang ho le bolella sona." Le sohle seo e se entseng, khele, ba ile ba loka. E ne e le phetho. Ke ne ke—ke ne ke... .

¹⁵¹ O ne a re, "Molimo o ratile lefatše hakaalo O bile oa le neha Mora oa Oona ea tsoetsoeng a 'notši."

E be ke re, "Ba bakae ba E lumelang?" "Bala e latelang, moratuaoa."

"O bile oa le nea Mora oa Oona ea tsoetsoeng a inotši, ea lumelang ho Eena o na le Bophelo Bosafeleng."

Ka re, "Ba ba kae ba E lumelang? Na le utloa seo E se buileng." Ke sa khone ho E bala ka bonna.

¹⁵² Ka hona, le a bona, ha ke a khona ho ithuta sekolong sefe. Empa, oh, ke rata sekolo seo ke se keneng! Oh, morao koana lehahaneng, matsoho a ka a phahametse ho Molimo, letsatsi le letsatsi ka mokhoa oo, mohla Moea o Halalelang o theohang ka monate oa Oona le ho qala o Itšenola, ho re, "Sena se tjena, le tjena ho tjena." 'Me ha ho mohla motho, sebopuoia sa mofuta, se kileng sa khona ho beha matsoho a sona holim'a Lona. Le har'a bohlanya bohole le tsohle tse haotseng le naha, Molimo o Le beile holimo le hloekile, le ho Le tsamaisa lefatše ho pota le ho pota. Alleluia! Re nakong ea bofelo, baena. Re mona nakong ea bofelo. Ke phetho. "Leseli le tla ba teng nakong ea mantsiboea." Ke hantle seo A se buileng.

¹⁵³ Joale, ke Buka ea Tšenolo, Molimo o Itšenolang. 'Me joale ka liphiri tse kholo tsena, O senola Lebitso la Morena Jesu Kreste kolobetsong, O senola ho se ntho e joaloka Lihele tsa Bosafeleng (ho ke ke ba joalo, ha ho Lengolo kahara Bibele le tlalehang ntho e joalo).

¹⁵⁴ Joale, lihele li teng, hape ho be le letša la mollo, le moo bakhopo ba otloang teng, empa qetellong ba tla timeletsoa. Ekaba lilemo tse limilione tse makholo a leshome, empa qetellong ba timeletsoa. Hoba u ke ke oa rua Bophelo Bosafeleng u sa bolokeha. 'Me haeba u tuka ka Bosafeleng, u tlameha u be u ruile Bophelo Bosafeleng. Khele, kelello e pala e ka u bontša eona. Le a bona? U ka ba le Bosafe-... ? Ba ba kae ba tsebang hore ha u ruile Bophelo Bosafeleng u bolokehile? Be, haeba u tuka ka Bosafeleng, na u ne u sa tlameha ho rua Bophelo Bosafeleng ho e lemoha? Ka hona, le a bona, ha e etse kelello feela. Le a bona?

¹⁵⁵ Joale, “tshireletso.” Bao A ba tsebileng pele, O ba bitsitse; bao A ba bitsitseng, O ba beile ba lokileng; bao A ba beileng ba lokileng, O bile o ba tlotsitse. Pauluse o re boleletse, khaolong ea 1 ea Baefese, ho re “Molimo, le pele ho motheo oa lefatše, o ne o rere ho re bea bara ka Kreste Jesu.”

¹⁵⁶ Johanne o re bolella mona ho Tšenolo, ho re “Sera matsatsing a ho qetela, sera seo se tletseng borapeli, se ne se tla kena hara batho se bope mekhatlo le joalo-joalo, le lihlopha le tse joalo,” joalokaha ba etsa kajeno, “me se ka thetsa le bona Bakhethoa hola ke ntho e ka etsoang, ’me ba tla thetsa *bohle* bao mabitso a bona a sa kang a ngoloa Bukeng ea Bophelo ea Konyana esale ho thoea lefatše.”

¹⁵⁷ Lebitso la hau le ne le ngoloe neng Bukeng ea Bophelo ea Konyana? Pele ho theoa lefatše. Kreste o hlabiloe neng, lilemo tse sekete le makholo a robong tse fetileng? Che, monghali. Pele ho theoa lefatše. “Konyana e hlabiloeng pele ho theoa lefatše.”

¹⁵⁸ Le bona seo e se etsang? Ke litiso tsena tse manolloang, ho qala feela ho senola leano la topollo, kamoo A e entseng. Ho felile joale, ho batla ho—ho se ho batla ho fela. Kahoo re nakong ea bofelo. Ke ka lebaka leo ho senoloang e—e lintho. Ho lokile.

¹⁵⁹ Joale, Leloko la rona le fuoe Buka e tiisitsweng hasupa ea topollo ho tsoa ho Mong'a eona oa mantlha. Mong'a eona oa mantlha... Mohla re ne re lahleheloa ke eena tšimong ea Edene, ka Adama, e khutletse ho Mong'a eona oa mantlha. Empa senokoane se ne se le teng naheng, moipehi, 'me ke Satane; o tlide, ke senokoane. Lefatše lena ha se la hae; ke la Molimo. Empa ke senokoane, moipehi. Monna, nka bua taba hantle joale, empa molemo ke ho se e bue. Ke lengolo la thuo la topollo ea rona, Buka ena e tiisitsoeng hasupa. Ke lengolo la thuo. Le eme ho fihlela re kena Litisieng tseo!

¹⁶⁰ O qhaqholla litiso, o a senola, o re fa lefa la Hae ho batho ba Hae. O aba lefa leo A le ruileng, o fetoha Molopolli oa Leloko, le ho re nea lona ho se moputso. Ntho eohle e ne e le ea Hae. Ke Eena Ea lopolotseng. Empa sebakeng sa Ipolokela lona, O le busleetsa ho batho. Ke lerato la Oona ho rona. Oh!

¹⁶¹ Satane, mong'a lona joale, moipehi, qetellong o a... Ha a batle ho le tela kapele, re fumana mona hamoraonyana Mangolong, ke nahanne mona khaolong e 'ngoe. 'Me o ne a sa batle ho le tela hang-hang, empa ile a tlameha ho le loanela. Empa, qetellong, ha a memeloa makhaola-khang, a akheloia letšeng la mollo. Ke hantle.

¹⁶² Jesu, Lebitso *Jesu* ka har'a Lievangeli le tšoere litlotla tse 'ne tsa “Mora.” Na le tsebile seo? Jesu o tšoere litlotla tse 'ne joaloka *Mora* Evangeling. E 'ngoe ea tsona ke “Mora Davida”; e 'ngoe ea tsona ke “Mora oa Abrahama”; e 'ngoe, “Mora motho”; e 'ngoe, “Mora oa Molimo.”

¹⁶³ Joale, hlokomela. Mohla Molopolli oa Leloko la rona a fetohang Jesu Kreste, O fetohile Mora Davida, e leng Mojalefa oa terone. Thoriso! Ebile mojalefa oa terone ka ho ba Mora oa Davida. Molimo o boletse morao koana hore ha O ka ke oa tlohela Davida, “ha o ka ke oa tlohela Davida a se na peo.” ’Me Kreste ke Mora oa Davida. ’Me O fetoha Molopolli oa rona oa Leloko, le ho ema, ho lokisetsa bolulo moo A ka busang le rona. Joaloka Mora oa Davida Ke Mojalefa oa terone.

¹⁶⁴ Joaloka Mora oa Abrahama, Ke Mojalefa oa kabelo ea borena. Amen. Ke hantle? Ke Mojalefa oa kabelo ea borena (Amen!), Palestina le tsohle tse ho eona, “Peō ea Abrahama.” E ne e le Mora oa Abrahama.

¹⁶⁵ Joaloka Mora motho, Mora motho o etsang... Motho o ne a lahlehetsoe ke eng? O lahlehetsoe ke lefatše. Kahoo joaloka Mora motho Ke Mojalefa oa tsohle tse lefatšeng. Tsena tsohle tseo O li ruileng, ’me O tlameha ho re buseletsa tsona, ke mohla A tla khutla kamoo A entseng. O a...

¹⁶⁶ Joale, ka hona, joaloka Mora oa Molimo, O rua lintho tsohle. Joaloka Mora oa Davida, Ke Mojalefa oa terone, joaloka Mora oa Abrahama, Ke Mojalefa oa kabelo ea borena, joaloka Mora motho Ke Mojalefa oa lefatše, joaloka Mora oa Molimo Ke Mojalefa oa lintho tsohle tse Leholimong le lefatšeng. Oh, khili! Eo ke Molopolli oa rona, Molopolli oa rona oa Leloko.

¹⁶⁷ Joale, hlokomelang! Oh, sena se a nthabisa. Mona ke hona moo ke—ke iphepang ruri. Joale, lumellang lipelo tsa lona li lahlehe ho Molimo metsotso e’ maloa feela. Mamelang sena.

¹⁶⁸ Satane ke moipehi, ha a le rua ka molao, ’me o qetile lilemo tse likete tse peli a ngangisana hore ke la hae kapa che. Empa Kreste o tlide e le Molopolli oa Leloko ’me o ile a re lopollela lona hape. Empa Satane o le tśoere. Empa, le a tseba, kamora nakoana (ntoa ena e kholo hoba e fele) o tla lahleloa letšeng mollo. Le a bona? O tla felisoa, le bohole ba mo rapelang. Empa majalefa a pholoho a tla tla le Kreste. Joale, ke moipehi.

¹⁶⁹ Joale, hopolang, ka hara Testamente ea Khale, enereha e—e motho a lahlehetsoe ke lefa la hae ’me moipehi a kotsomala naheng ea hae, a ke ke a le boloka halelele moshoelella a le nkile ho mong’ a lona oa mantlha ho fihlela lilemo tse mashome a mahlano. Kamora lilemo tse mashome a mahlano, ho ne ho thoasa selemo—selemo sa Jubilee. ’Me selemo sa Jubile, enereha selemo sa Jubile se thoasa, ntho tsohle li buseletsoa mong’ a tsona oa mantlha oa qalong. Makhoba ohle, a ne a khutlela qalong ea mantlha. Ekareha motho a hlaola tśimong ’me terompeta e lla ’me a e utloa, o ne a lahla mohoma le ho re re, “Ha ke sa le lekhoba, ke khutlela hae lapeng la ka.” Ntho eohle e ne e khutlisoa. Enereha moipehi a tsorame setšeng, a tlamehe ho falla setšeng. Ke phetho. O falla setšeng ka lebaka lefe? Mong’ a sona ka molao o ne a khutla. O ne a lokela ho inehela.

¹⁷⁰ Alleluia! Ka le leng la matsatsi ana mebuso ea lefatše e tla oa, 'me be'ng ba molao ba tla kena le leng la matsatsi ana. Amen.

¹⁷¹ Joale, khetlo le leng le kile la tseko. Ho tloha ka letsatsi la mashome a mane, ho tloha qalong ea letsatsi la pele la tlhoekiso ea sehalalelo, kapa Kreste o ile Kalvari, ha ba le matsatsi a mashome a mane ho isa ho nyolohelo. Le ne le tseko, hore na sehlopha sa Satane se tla le nka le re ha A tsoha bafung. Ba qalile ho tumisa mono, ho itsoe, "Barutua ba tlie 'me ba Mo utsoa bosiu." Le balile Bibebe, "'Me o itse 'Batho ba Hae—ba Hae ba tlie ba Mo utsoa bosiu.' A ba lefa masole chelete ho rialo." Empa lekhatheng leo le ne le belaetsa, e mong le e mong o ne a botsa.

¹⁷² "Be, ruri, mohlomong ehlile ke la mokhatlo, ha ho le joalo, ntho eohle ke ea oona."

¹⁷³ Empa ka letsatsi la mashome a mahlano e ne e le Letsatsi la Pentekonta, 'me Mong'a lona semolao a theohela hara bona (Alleluia!) 'me a bontša e sa hhole e le mokhatlo. Hore e ne e le ho tlatsoa ka Moea o Halalelang. E ne e le chelete ea Molimo ea tebeletso ho Kereke ea Oona hore e se laoloe ke mekhatlo le joalo-joalo, e ne e tla ba tebeletso ea kolobetso ea Moea o Halalelang ka matla le ka lerato la Molimo. Amen! Oh, na taba eo ha e etse lethoana ho uena? Morui oa lona semolao! Le ne le le hokae? Matsohong a Molimo. 'Me ka . . .

¹⁷⁴ Le a bona, a ke ke a le boloka ho feta matsatsi a mashome a mahlano. Le e utloile koana ho—ho Levitike—ho Levitike, ho—ho melaong ea teng. E itse ba sitiloe . . . mong'a lona oa mantlha. Le ne le tlameha ho khutlela matsohong a mong'a lona oa mantlha hoba ho fete lilemo tse mashome a mahlano. Bohle re tseba seo. Le utloile khafetsa, empa . . . le a bona, "Le ne le tlameha ho khutlela ho mong'a lona oa mantlha ka morao ho lilemo tse mashome a mahlano."

¹⁷⁵ Be, joale, ka morao ho lilemo tsena tsa letsatsi la mashome a mahlano, selemo se le seng . . . letsatsi le le leng le lekanya selemo. 'Me ho qala ka letsatsi la thakhiso mohla ba ne ba nka . . . Molopolli enoa oa Leloko 'me ba Mo hlaba ka—ka letsatsi la Paseka, le ne le tseko lekhatheng leo. Kereke e lumetse ho fihlela lekhatheng leo hore E ne e le Molopolli oa Leloko, "E ne e le Molopolli." Eaba le etsa'ng? O ile a hlabjoa, sera se entse hoo, sa re ba koetetse setopo sa Hae ba se pata kae-kae. 'Me batho ba ne ba belaela kahohle, "Ho etsahetseng ka Eena? Ho hlahile eng?"

¹⁷⁶ Joale, qetellong ea letsatsi la mashome a mahlano, ka hona, le a bona, le ke ke la hlola le tseko. Ebe, Molimo . . . Sebakeng sa ho tloha—ho tloha le ho tsoelapele ka kereke ea khale ea molao, e sataletseng, e batang; Molimo o ile a khutlisa Moea o Halalelang, a qobokisa baipehi bohle, a hapa. Matla a Moea o Halalelang a theohile 'me Kereke ea amohela tebeletso ea pholoho ea eona.

¹⁷⁷ Joale, baena, ha se ho utloisa maikutlo a lona bohloko kapa le letho, efela ha mokhatlo o nepile 'me u le Mokatolike feela ka mokhatlo, u le Mobaptise ka mokhatlo, u lahlehile. Le a bona, tebeletso ea pholoho ea rona e ne e se ho ingolisa le kereke, tebeletso ea poloko ea rona e ne e se ho ingolisa le mokhatlo o itseng. Tebeletso ea pholoho ea rona ke kolobetso ea Moea o Halalelang kantle ho mokhatlo ofe! Amen.

¹⁷⁸ Ba ne ba ka sitoa ho le boloka, ho feta letsatsi leo la mashome a mahlano, hoba leo e ne e le letsatsi la Jubilee mohla sohle se neng se khutlela qalong ea mantlha. 'Me e—e matla a Molimo a ile a khutlisetsoa qalong ea oona, letsatsi la mashome a mahlano, selemo sa Jubilee mohla tsohle li ileng tsa khutla.

¹⁷⁹ Joale, ho tla fihla selemo se seng sa Jubilee 'me, hoo, re batla re e fumane nakong eona ena. Haeba le eleletsoe, esale Pentekosta e tšoloha Amerika lilemo tse ka bang mashome a mahlano, kae-kae nakong eo. Pentekosta e qalile ea tšoloha lilemong tse ka bang mashome a mahlano tse fetileng. Joale ho etsahalang, kereke e fuoa Buka e tiisitsoeng hasupa ea tšenolo ea Jesu Kreste (ea Litiiso tse Supileng) 'me karolo ea leshome ea bona ha ea khone ho E amohela.

¹⁸⁰ Empa ha le qala le bona selemo sa Jubilee moo re sa tlamehang ho qabana le ho belaela le ho rutlana tjena, empa re se re bolokehile ho Kreste! Re se re tšoere Lebitso la Morena Jesu Kreste kolobetsong. Re tšoere liphiri tsena tsohle tse kholo tseo re tla ntša ho Litiiso tse Supileng tsena, le ho le pakela e ne e le tsona litiiso tse nang li tiisitsoe hole le mahlo a batho. Ha Molimo ekaba mothusi oa ka, ke tla le pakela hore ba sitiloe ho bona Seo ka Bibele (Ka hona, ehlide, haeba Bibele e rialo le tla e lumela.), hore ha ba khona ho bona letho haese "Ntate, Mora, le Moea o Halalelang" ho fihlela nako ena. Ba sitiloe ho bona hoba ha ho lihele tsa Bosafeleng, ho fihlela nako ena. Ha ba khona ho bona tsireletso ea Bosafeleng ho fihl...ke bolela bakeng sa molumeli oa mannete. Ehlide, esale sesomo sa eona se tletse hohle, ba hlahissa molumo o sa khethoeng. Lebaka leo batho... Ba re, "Khele, shebang Mapresbeteriene ao le ba joalo, ba tsuba, ho noa, le ntho eohle, le ho itlaleha tsireletso ea Bosafeleng." Yaa, empa, le a bona, empa e le—empa e le ho khelosa Terompeta ea mannete.

¹⁸¹ Ha re fumaneng morao Mona re fumane haeba Terompeta e lla, haeba u sa khutlele morao koana ho Genese ho isa ho Tšenolo, morao le pele, mohla tiiso ena e manolloang; le a bona, lintho tsena ha li senoloa.

¹⁸² Joale, oh, moena! Ke itse ke tla mpe ke...Ke tla e tlohela ho fihlela khetlo le latelang ha ke kena mona. Ke saletsoe ke maqephe a tšeletseng le joale; kapa—kapa, ke botle, che, re na le tšebeletso ea kolobetso e tla latela. Ha nke ke bale

sena, linthoana tsena tse 'maloa hantle mona, selemo sa Jubilee. Ho lokile.

¹⁸³ Joale, lona—lona ba ngolang Mangolo? Ho Jeremia 32, le ho qala ka temana ea 6 haeba le . . . 'me ha le fihla lapeng, le batla ho e bala. Joale, Jeremia, ho le bontša na moqolo ona o joang, ke tla ntša ntho ena. Ha re nkeng moqolo, le hona. Hoo ho tla mpalla metsotso e meng e ka bang leshome, ea moqolo. Joale, le hopole, Buka ena e ne e tiisitsoe. Joale, buka mehleng ea Bibebe e ne e se buka e likutlo li 'ne *tjena*. E ne e tšoana le buka *tjena*, e ne e bitsoa buka, "moqolo" Ba ba kae ba tsebang seo? Uh-huh. Ehlide, e ne e le moqolo. Ho lokile.

¹⁸⁴ Joale, Buka ena—ena e ne e tiisitsoe ka litiiso tse supileng. Joale, E ne e le Bibebe 'me E ne e tiisitsoe ka litiiso tse supileng. 'Me joale shebang kamoo sena se entsoeng kateng.

¹⁸⁵ Jeremia, mohla a—mohla a neng a tla ba . . . o kile a porofeta a re o tla isoa kholehong. Ho Jeremia joale, khaolo ea 32. O ne a tla isoa kholehong tlase Babilona, ba tla hlola lilemo tse mashome a supileng teng. O ne a e porofetile. 'Me lona ba balang Bibebe le kopane le eona khafetsa. A tla isoa tlase mono lilemo tse mashome a supileng. 'Me hantle e—e ne e le motsoala oa leloko le haufi le la mofu. Motsoala oa hae (H-a-n-a-m, habeli e, I) Hanameel, Hanameel, Hanameel, e ne e le e . . . ea haufi le eena ka mali. O tsebile ke hona hore—hore sera se tla tšoara e—tšoara—lipampiri le lintho tse joalo tsa setša sa hae, empa eitseha . . . O tsebile Molimo o ke ke oa hloboba sechaba sa Oona, ka hona eitseha ba khutla, hore e tle e be mong'a lefa ka molao, ke sena seo a se entseng: o ne a se ngotse kaofela.

¹⁸⁶ Ba e balileng ba ba kae? Ho lokile, le le balile, e tla ba le e balile ke hona. Ho lokile. Joale, o ile a le nka a le tiisa hantle joalokaha meqolo ena e ne e tiisitsoe mona. E ntle haholo, ntho e tsoileng ka mahetla eo u kileng ua e bona.

¹⁸⁷ Joale, ke tla leka ho e bapisa ka sephephecana sena sa pampiri, ha ke tsebe haeba ke tla khona kapa che. Joale, o ne o ngotsoe ka mokhoa ona, ka mokhoa *ona*. Joale, o e sebelitse a o tiisa ka mokhoa *ona*, o mong le o mong ho theoha joalo. Joale, se etsahetseng, holima litiiso tsena ka bonngoe ho ne ho ngotsoe lefa la hae le se etsahetseng, le bohle ba oeleng pele ho eena le kamoo ebileng mojalefa oa lona. Ntho eohle e ne e tiisitsoe joalo.

¹⁸⁸ Joale, le Molimo Buka ea Oona e tiisitsoeng hasupa o e sebetsa joalo. Joale, ka nako ha A hahola ntho ena, tšenolo eo e khutlela morao hantle e matha ho fihla ka morao ho Buka. Ka hona u ka nka Lebitso la Jesu Kreste ua Le mathisa ho qala ho Genese ho isa ho Tšenolo le ho supa ho se ntho e kang "Ntate, Mora, le Moea o Halalelang." Le a bona? Le a bona, e lohana e ithatika le Bibebe eohle, E a e senola.

¹⁸⁹ Ha u nka ntho e kang, "Ho na le lihele tsa Bosafeleng" Ha u e hotolla u e mathisa hohle; ha ho eso be lihele tsa Bosafeleng

hoba tšimolohong Molimo o boletse lihele li *bopetsoe* diabolosi le mangeloi a hae, kahlolong ea bona e tlang. Haeba lihele e le tsa Bosafeleng, li be li boptjoa joang? Lentsoe popo ha le eso . . . Lentsoe *Bosafeleng*, “ha eso qale ‘me ha e sa tla fela.” Ekabe’ba lihele esale li le teng haeba e le lihele tsa *Bosafeleng*, “esale lihele li le teng nako eohle, hona mohla Molimo o nong o le teng lihele li ne li le teng, le pele sebe se hлаha lihele li ne li le teng.” Huh! Oh, khili! Le a bona, u ke ke ua e rarolla.

¹⁹⁰ Ka hona le shebe lintho tsena ha li iphutholla, e matha e lohana ‘me e manolla Buka. Ka tšoanelo taba ena e taka setšoantšo sa Bibele eohle, ‘me litiiso li patetseng mahlo a ba masene le ba bohlale Bibele. Molimo, ka Moea o Halalelang, o li manolla tjena le ho li senola hohle hara Bibele. Khanya ho Molimo!

¹⁹¹ Moena, ke a u bolella, hoo ho—hoo ho fuluha tšilo ea ka ea semoea. Le a bona? Le a bona? Joale, shebang mona! Le a bona, ke—ke se—. . . joaloka. . . Na le utloisia seo ke se bolelang? Le a bona, ke ena, tiiso. Joale, ha le ka sheba la bala mona, e-eang ho Jeremia le bone kamoo a—a—a—a ileng a le tiisa kateng.

¹⁹² Joale, Buka ke eo, e ngotsoe ka hare ka mono. Joale, hantle feela mehleng ea tšenolo ea pele, ke moo A senolang tiiso ena. Joale, le shebe le bone seo tiiso ea pele e neng e le sona mohla re fihlang ho Litiiso. Mehleng ea tiiso ea bobeli, O hotolla tiiso e latelang. ‘Me na le tseba moo re leng teng? Re se re batla re le ho tiiso ea bosupa hantle joale.’ Me e tla re ha ea bosupa . . .

¹⁹³ Mohla tiiso ea pele e neng e manolloa, terompeta ea pele ea lla ‘me kotlo ea pele ea liheloa. Mohla tiiso ea botšeleta e neng e manolloa, ea botšeleta ea letsoa ‘me ho lihetsoe kotlo ea botšeleta. Le e shebe feela, ke ntho e ntle ka ho fetesisa eo uo kileng ua e bona. ‘Me ha ke etsa joalo, ke tla iphumanelia letlapa le leholo, la letonana, ke le tlise mona le ho e ruta hantle mona, ka hona re qeta nako e ngata holima tiiso ka ‘ngoe le ho khutla morao ho qotsa nalane le lintho, le ho paka hantle feela mohla e ne e etsahala, le ho bontša hantle mona ka Bibeleng mohla E boletseng e tla etsahala, ‘me hantle feela mohla e etsahetseng, letsatsi hantle feela le tse ling tsohle. Ke e fumane, amen, ke e fumane ho Eena. Ke hantle. Litiiso ke tseo.

¹⁹⁴ Joale, mohla Jeremia a ne a ngola buka ena, e ne e tiisitsoe . . . Ntho e ntle eo ke batlang ha le ka e elelloa ke ena, lona bohole ba e balileng, hore buka tseo tse tiisitsoeng . . . Joale, hopolang, o ne a tla be a tsamaile. O ne a porofetile. Joale, o ne a sa e tsebe, haese ka boporfeta feela. Ana le ntse le ntatetse? O tsebile ka boporfeta, ka tšenolo ea Molimo, hore ba tla tlosoa naheng eo lilemo tse mashome a supileng. Na le sa mo hopola ha a porofeta? O ne a tla qeta lilemo tse mashome a supileng, ba tla ea kholehong. O ne a batlile ho netefatsa hore tiiso ena (hore lefa la hae) le tla bolokeha, hobane o ne a na le . . . o ile a ts’oere

lefa la motsoala oa hae. O ne a e ngotse ka botlalo, ka molao. 'Me o entseng ka lona? Hore le se bole le se tlale mafome, a le beha pitseng ea letsopa; ho le beha hole hore le se bole kapa la tlala mafome, lilemo tseo tse mashome a supileng li be li fete.

¹⁹⁵ Khanya ho Molimo! Ke ne ke tsepile hoba le tla e tšoara! Na le bona seo Molimo o se entseng? Ha O a e senolela ba liphahameng le ba masene (e le hore ba ngangisane ka Lona nako ena eohle), empa Oa Le kenya Lefisong la mobu Oa Ipopela Mora oa Oona ka Sebele, Kreste Jesu. 'Me letsatsing lena la ho qetela joale O manolla litiso le ho li bontša Kereke ea Oona. Ho bolokoa Lefisong la lefatše hore Le tle le se bole la tlala mafome! Alleluia! Oh! Kea tseba le nkuka ke le mohalaleli-mothethethi. Ekaba ke eena. Le a bona? Empa Ke eo! Esale Le bolokoa le phuthetsoe Lefisong la lefatše le lopolotsoeng lefatšeng, ho nyoloha hoseng ha Paseka etsoe litiso tsa lefu li hlolehileng ho Mo tšoara; empa O manoloetse litiso 'me a tsoha, 'me a Ipaka matsatsing ana a qetelo A ntse a phela! O ka Kerekeng ea Hae! Ke oa maobane, kajeno, le ka mehla. 'Me esale e patetsoe diseminari, esale se patetsoe mekhatlo.

¹⁹⁶ 'Me matsatsing ana a qetelo O Le senola ka Boteng ba Oona ka Sebele hara batho ba Oona. O nka motho eo O ka honyang lefatše ho bona ba honya lintho (ho honya ho bona kereke), hore A tle a bue ka bona ho senola le ho manolla litiso tsena ka mokhoa ona ka Seqo. Le a bona? Alleluia! Oh, na ha le Mo rate? Khele, khele!

¹⁹⁷ Leano la rona la pholoho, ke lona le senoloang joale ka ho Jesu Kreste. Ebe O senola joang matsatsing ana a qetelo? Ka ho bula ha Hae tiiso. Hobaneng, ha ho motho... Ha u eso e utloe ho ngotsoe bophelong ba hau mabapi le Peo ea Abrahama, ka moo ba fetileng tokafatso, khalaletso, kolobetso ea Moea o Halalelang; kamoo lengeloi leo le tläng ho fihla matsatsing a ho qetela, ho furalla phutheho le ho bolela hantle feela seo Sara a neng a se hopotse pelong ea hae ka hare (ha se eso hlahe ho fihlela letsatsi lena, ke hantle, lena ke letsatsi); le tumelo ea Abrahama; le Lebitso la Morena Jesu.

¹⁹⁸ Joale, ntho e le 'ngoe mona, mona ke tšoere lintho tse hlano ke rata ho bua ka tsona, motsotsana feela, kapele feela kamoo nka khonang. Shebang Tse supileng... Ho na le Litiiso tse supileng, 'me ho na le bosupa ba bahlano leanong la Molimo la topollo. *Hlano* ke palo ea "mohau." Ke ba ba kae ba tsebang seo? J-e-s-u-s, f-a-i-t-h, hlano ke palo ea mohau. *Tšeletla* ke letsatsi la motho, 'me supa ke letsatsi la hae—la hae letsatsi la topollo.

¹⁹⁹ Joale, hlokamelang. Joale, ho fumanoa litiso tse supileng tabeng ena, kapa—kapa methati e supileng morerong o moholo ona oa topollo. Ho fumanoa eng tse supileng? Litiiso tse supileng tsa topollo, Meea e supileng ea Molimo... Re fumana hoba (haeba le batla ho bona hore e re "Meea e supileng," e reng ke

bone mona motsotsotso feela), khaolo ea 5, ho qala temaneng ea 6 (ke a kholoa, re bona mona), temana ea 6:

'Me... bonang, 'me, bonang, mahareng a terone le a libata tse phelang tse 'ne, le mahareng a baholo, ho eme Konyana, e kang e hlabiloe, e nang le lihlooho tse supileng le mahlo a supileng, e leng Meea e supileng ea Molimo e rometsoeng kahohle lefatšeng.

²⁰⁰ Meea e supileng eo ke'ng? Baromuo ba supileng bao. Santa Columba ke eo, le Irenease, le—le John Wesley, le Martin Luther, le joalo-joalo. Le a bona, “Meea e supileng,” e leng banna ba supileng (mangeloi a supileng), e leng melaetsa e supileng.

²⁰¹ Litiiso tse supileng, Meea e supileng, mangeloi a supileng, linaka tse supileng, le likereke tse supileng. Le a bona, bosupa ba supileng, ho fumanoa bosupa ba bahlano, etsoe, *supa* e le “phetheho,” *hlano* ke “mohau,” Mohau oa Molimo ho Mengoaha e Supileng ea Kereke ea Oona. Baromuo ba Oona ba supileng ba banna, Meea ea Oona e supileng ea Molimo, litiiso tse supileng tse reriloeng tsa topollo (re ho eona hona joale), *linaka* tse supileng li bolela e supileng “mengoaha.”

²⁰² Hobane, *lenaka* le bolela a “muso.” Na le sa hopola hobane moqhaka o ile oa lula holima sebata (*lenaka*) ho Daniele, joalo le joalo? Le a bona, le bolela ‘muso, kapa “mengoaha e supileng.” ‘Me, le hopole, Jesu o itse, “Ba bang ba robetse tebelong ea pele, mongoaha o mong; ba bang tebelong e latelang, mongoaha o latelang; o latelang; le o latelang; ho ea fihila koana tebelong ea bosupa. ‘Me Monyaluo o fihilile tebelong ea bosupa, eaba bohole ba tsoha.” Le sa e hopola?

²⁰³ Ka hona ke “mengoaha” e supileng e ne e le *linaka* tse supileng, ‘me *likereke* tse supileng, kapa tse “supa ti... makhathe a ‘mele oa balumeli.” Oh, E phethehile ka moo e ka khonang. Jeremia... Ea ka, “Buka,” “mengoaha,” kamoo e lopolotsoeng kateng! Joang... [Sekheo lebanteng—Mong.]... hantle mona.

²⁰⁴ Ea bosupa le ea ho qetela ea litiiso tsena, ha li manolloa, e fumanoa ho Tšenolo khaolo ea 10, ho ne ho eme Lengeloi le matla (lona e ne e le Kreste) le theoha la beha leoto le le leng holima lefatše le le leng holima leoatle, la phahamisa letsoho la Lona la re, “Letsatsi le felile. Nako e felile. Ho phethehile. Nako ha e sa tla ba teng.”

²⁰⁵ ‘Me A re, “Molumong oa... ka eona nako ena, sephiri sa Molimo se loketse ho phetheha.” Molimo ke Mang le kamoo A bonahalitsoeng; kamoo mohla tiiso eo e ne e manolloa, kamoo re qalang re utloisia joale kamoo E neng e le Mora oa Molimo, E ne e le Molimo ka Sebele a entsoe nama; le tšenolo ea hobane Ke Mang; e loketse ho phetheha pele Lengeloi lena le ka beha maoto a Lona holim'a lefatše le holim'a leoatle le ho hlapanya ho thoe

“nako ha e sa tla ba teng” mohla nako ena e fihlang. Re hantle jareteng eo ea eona e kapele hona joale. Le a bona?

²⁰⁶ Ea ho qetela ea tsona ke Tšenolo 10, “Leoto holim’ a lefatše le holim’ a leoatle,” nako e ne e felile, topollo e phethehile, ’me joale O kena joaloka Tau. E ne e le Konyana mohlang oo, joale O kena joaloka Tau ea leloko la Juda.

²⁰⁷ Joale, ha nke ke e bale kaofela ho le tlisetsa eona ka potlako joale, le temana ea 8:

Eitse hobane e nke buka eo, libata tse ’ne le ba mashome a mabeli- . . . le baholo ba mashome a mabeli a metso e mene ba khumama pel’ a Konyana, ba nkile e mong le e mong harepa, le pitsana ea gauta e tletseng tse monko monate, . . . le merapelo ea bona bahalaleli.

²⁰⁸ Joale, mona ke mohla ntho ka ’ngoe e e tlamehang ho rapela. Joale, hopolang, e tšoaneleha hakakang. Joale, le se ke la re lumella ho fosa sena joale. Mamelang ka hloko. Eitse hobane liphiri tsohle tsa mongoaha oa kereke li phethehe, mohla liphiri tsohle tsa merero ea topollo, litiiso tseo tse supileng li manolotsoe ho . . . hantle ka morao ho sena joale, shebang, ke nako ea—ea tsohle, tsohle tse Leholidong le tsohle tse lefatšeng ho khumamela Molimo. Joale, hlokamelang se etsahalang. Mamelang ho . . . ke, mamelang sena motsotsotso feela:

’Me ba bina sefela se secha, ba re, U loketse . . .

²⁰⁹ Mamelang borapeli bo bo kakang bona! Baholo, libata, ntho eohle ea itihela hantle pel’ a Hae, le a bona, joalo, mohla A neng a phethisa leano la Hae le tletseng. Joale ke nako ea ho khumama, le a bona:

Ba bina sefela se secha, ba re, U loketse ho nka buka, le ho manolla litiiso tsa eona: hobane u ne u hlabjoe, ’me ua re lopollela ho Molimo ka mali a hau batho ba mefuta eohle, . . . lipuo, le merabe, le ba lichaba tsohle;

’Me U re beile marena le baprista ho Molimo oa rona, ’me ba ba tla busa holim’ a lefatše. (Mamelang, ha meeaa eo e poloplotsoeng e hooeletsa mono. Hmm!)

Joale ka talima, ’me ka utloa lona lentsoe la mangeloi a mangata a teetseng terone hare le libatana le baholo: ’me palo ea oona e ne e le likete tse leshome le atisoang ka likete tse leshome, le likete tsa likete; (Ntho e ’ngoe le e ’ngoe Leholidong e khumamela Konyana ena, le a bona.)

A ne a re ka lentsoe le phahameng, Konyana e neng e hlabjoe (Alleluia! Alleluia!) e loketse ho nka borena, le monono, le bohlale, le matla, le hломphо, le khanya, le teboho.

²¹⁰ Mamelang, “Me sebopua se seng le se seng!” Mamelang seo Johanne a se entseng:

*'Me ka utloa libopua tsohle leholimong le...
lefatšeng, le tse katlas'a lefatše, le tse leoatleng, le
tse hara tsona kaofela, tsa utloa 'na (Johanne) ke
re, Liteboho,...hlompho,...khanya,...matla, ho ea
lulang teroneng, le ho Konyana mehleng le mehla.*

²¹¹ Ruri Johanne o tlamehile a be a ne a kene ho Pentekosta ka sebele sa hae. A re, “Libopua tsohle Leholimong, libopua tsohle lefatšeng, libopua tsohle katlase ho lefatše, libopua tsohle tse leoatleng, tsa nkutloa ha ke re, ‘Amen, khanya, hlompho, matla, le liteboho, ho Ea lutseng Teroneng, Konyana eo.”

²¹² Nako ea ho rapela! Amen! “Seo ba se entse joang?” Lentsoe la Hae ke lena, lona... tsohle li e utloile.

*Mme libatana tse 'ne tsa re, Amen. U nepile, Johanne,
hoeletsa feela 'me u Mo rorise haholo ka bokhoni ba hau.
Eona...*

*...nkutloa ke re, Liteboho, Amen, khanya, bohlale,
matla, le borena...*

*... 'Me baholo ba mashome a mabeli a metso e mene
ba khumamela, ea lulang...ea phelang mehleng le ka
mehla.*

²¹³ Ke pale e ntle hakaakang! Joale, ha ke na nako. Ke ngotse, moevelo o itseng oa eona, empa kopano ea rona e latelang pele re ka kena tabeng ena... Ekaba mohla ke khutlang phomolong kapa khetlo le leng, Ke batla ho nka liveke tsena tse mashome a supileng tsa Daniele le ho e tlamella hantle ka mona, le ho e supa moo e lebisang ho Jubilee ea Pentekosta, le ho e khutlisa hantle 'moho le tseo tse supileng liko-... litiso tseo tse supileng tse tla manolloa mona pele re tloha, le ho bontša hobane ke qetellong, tsena...

²¹⁴ Konyana, Messia, Khosana o tlameha ho fihla 'me ka liveke tse mashome a supileng (etsoe e le lilemo tse supileng) tse profetetsoeng batho ba Hae. 'Me Khosana o tla khaoloa mahareng, mono ke tharo le halofo, halofo ea supa ke tharo le halofo, o tla khaoloa. 'Me ho tla felisoa sehlabeled sa kamehla; 'me manyala a bofeliso (etsoe Moslem oa Omar o ile oa hlongoa holim'a litša tsa tempele mohla ba ne ba chesa tempele), 'me Iseraele e sa saletsoe ke lilemo tse tharo le halofo.

²¹⁵ 'Me Kreste o tlie a rera a porofeta hantle feela lilemo tse tharo le halofo, 'me ha felisoa sehlabeled sa kamehla, tsohle ka phetheho e khonahalang. 'Me Moslem oa Omar o ne o le hantle...oa ahuoa hantle litšeng tsona tseo 'me o eme mono ho fihlela kajeno. 'Me ba tla hatakela marako a Jerusalema ho be

ho fele lekhathe la Balichaba, Kereke e a nyolloa (Mokhethoa, Monyaluoa) ho tsoa mono.

²¹⁶ 'Me baporofeta ba babeli, Elija le Moshe, ba khutlela ho Iseraele mehleng ea peli le—peli le halofo ea selemo... lilemo tse tharo le halofo. Ke ntho e ntle ka ho fetisisa ha u e bona e hotolloa.

²¹⁷ Le a Mo rata? Ka pelo eohle ea lona? Na joale le utloisisitse seo Buka e tiisitsoeng hasupa e neng e le sona? Seo E leng sona: re E fumane, "ka moqolo," joale. 'Me le hopole feela, matsatsing ana a qetello feela... E ne e bolokiloe Lefisong la letsopa. Le utloisia seo joale? 'Me Lefiso leo la letsopa e ne e le Mang? Jesu Kreste. E ne e sa nkao ke motho, E ne e sa nkao ke motho, e tla ka Eena feela. Ebile e ne e sa ngoloa Lentsoeng. Haeba E ne e ngotsoe Lentsoeng, e ne e patiloe hore le se E fumane. Ke hantle. E senoloa ka ho Eena, le ka hara Lefiso leo la letsopa hore E se bole kapa ea tlala mafome.

²¹⁸ 'Me O a fihla le ho phetlela Kereke ea Hae e 'ngoe, le ho re, "Le a bona, ke Oa maobane, kajeno, le ka mehla. Le a bona? Le a bona? Joale, esale le ipotsitse haeba e—haeba moetsalibe oa batho a tla cha ka Bosafeleng kapa o tla timeletsoa hoba ho fete lilemo tse limilione. Ke ena. E ne e le tjena. Ha ho ntho e kang lihele tsa Bosafeleng. Li ne ke ke tsa hlola ka Bosafeleng, hoba ke... lihele li ne li se 'moho le 'Na mohla ke neng Ke qala morao koana. Ke li bopetse ho otla ea khopo ka hara tsona. Le a bona? Ebe le tshohile eng, le a bona, mabapi le Peo ea Abrahama le lintho tsena tsohle tse fapaneng? Feel... ." E mpa feela—feel a e le kaletso ea eona, le a bona, empa ha u kena kamoo Molimo o bulang litiiso tseo, le ho e bontša, ho theoha hantle; le a bona, ha le etsa, le ke ke la tloha Bukeng ena. Litiiso tseo... .

²¹⁹ U re, "Oh, tiiso ea mannate e ne e bolela ntho e hosele, Moena Branham."

²²⁰ Bea butle motsots! E tlameha ho bapa le Sena, hobane e ne e tiisitsoe kantle ho sena ho senola Sena. Ke... Ebe ke eng? E ne e le eng? Mona, joaloka mona, Jeremia. Ha u tlaleha ntho e *itseng-e-itseng* e etsahetse; u phetla ntho *ena*, ke ena moo e leng teng. Ho lokile. Ho e tabola *seo* le ho sheba morao mona, ke mona moo e balileng se hlahileng. Ho lokile. U tabola *ena* mona, sheba mona, 'me ke sona se hlahileng. Le a bona, Buka ena e joalo feela, le a bona, ka morao ho eona.

²²¹ Ba re, "Be, ha ke utloisia. Ba bang ba re, 'Ntate, Mora,' le ba ba bang, 'Moea o Halalelang,' 'me ba bang ba itse, 'Jesu,' Lebitso,' tsohle joalo."

²²² Haesale E patiloe lilemo tsena tsohle. Empa joale ke ena, e thethehela morao hantle, e khutla hantle ho supa hore Molimo o mong. Ha ho eso le letho haese Molimo o le mong. Ke 'nete. 'Me Lebitso la Oona... .

²²³ Ho joaloka Buka ea Mattheu, 28:19, “E-eang ke hona, le rute lichaba tsohle, le ba kolobetse ka Lebitso la Ntate, Mora, Moea o Halalelang,” ’me Ntate ha se lebitso, le Mora ha se lebitso, le Moea o Halalelang ha se lebitso. Joale, ebe u tla ba kolobetsa joang? U tla kolobetsa ka lefe hara mabitso ao, athe ha ho le leng la oona e leng mabitso? Ka hona ke’ng? Ha u ka ke ua kolobetsa ka lebitso lefe, ka hona. Seo ke Sekolo sa Baporofeta hape, le a bona.

²²⁴ Joale u ka khutlela tulong ena ka mona, le ho e nka le ho e khutlisa le ho khutlela ho Mattheu 1, O ile a etsa’ng? Ho phetla hantle le ho e khutlisetsa morao mona:

Joale ho tsoaloa ha Jesu Kreste ho tlide ka mokhoa ona: (Ha se Melimo e meraro, joale, le a bona.) Eitseha...’mae...a lebelelitsoe ke Josefa, pele ba kopana, a fihleloa a imme eena ngoana ka Moea o Halalelang. (Ha se Molimo Ntate; “Moea o Halalelang.” Huh?)

...hona hohle ho entsoe, hore...

’Me Josefa monna oa hae,...e le monna ea lokileng,...a sa batle ho mo hobosa, a hopola ho mo lahla sephiring.

...hopotse teng,...eare a sa hopotse teng...bonang, lengeloi la Morena la itlhahisa ho eena ka toro, le re, Josefa, mora Davida, se tšabe...ho inkela Maria mosali oa hau: hoba se emotsoeng ke eena ke sa... (Molimo Ntate?)...Moea o Halalelang.

²²⁵ Ke itse, “Molimo Ntate e ne e le Ntate oa Hae.” Ke e bua ka lebaka la kolobetso e tla latela. Le a bona? Ke itse, “Molimo Ntate e ne e le ntate oa Hae.” Joale, e tla ba Moea o Halalelang le Molimo Ntate ba Bang, kapa O ne a e na le bontate ba babeli; ekabe’ba Ke ngoana bonyatsing, ’me ebe Molimo oa rona ke oa mofuta mong? Hmm? Le a bona?

*’Me hona ho...hohle...hlahile, hore ho etsahale...
ho boletsoeng ke Morena ka moporofeta,...*

*...moroetsana o tla emola, ’me a tsoale mora,...’me
o tla bitsoa Jesu,...(Ke hantle?)...’Me O tla bitsoa
Emmanuele, e leng...ho re, Molimo o na le rona.*

²²⁶ Joale, le a bona, eitseha A manolla tiiso, taba eohle ho qala ho Mattheu khaolo ea 1 ke efe (ho khutlela morao)? Khele, Jesu Kreste. Ke hantle seo Petrose a se buileng ka Letsatsi la Pentekosta. Ke seo bohle ba se buileng.

²²⁷ Ehlide, sehlopha sena sa Baroma se ne se loketse ho fihla se re, “Oh, che! Re lokela ho ba le Medimo e meraro. Re fumane...” Ba na le iikete tse leshome tsa eona joale: ho na le bo Maria le bo Santa Cecilia, le Santa Marcus, le Santa *Sekete-kete*. ’Me ke kholoa ho fumanoa makholo a mahlano le ho hong Mexico City.

Mosali e mong o bolailoe ke baratuoa ba hae ba itseng, ba ile ba mo loanela ba 'molaea, eaba ba mo mo etsa mohalaledi, 'me batho ba mo qella pako, le ntho eohle joalo. Kopano le mee!

²²⁸ 'Me mona kereke ea Protestanta e fihla ka seo ba se bitsang Tumelo ea Baapostola, "Ke lumela ho Molimo Ntate ea Matlaohle, 'moloki oa maholimo le lefatše, le e—le kereke e Halalelang ea Roma e Katolike. 'Me ke lumela kopano le bahalaleli, puisano le bahalaledi." Maprotestanta a bua tlasa kano ea Molimo, hore o lumela kopano ea bahalaleli. Eo ke puisano le mee! Le a bona? Ba ntoo tsoelapele ba e etsa, ehlile, hobane kereke e itsalo. (Oho Molimo, ke thabela ho tseba seo ke se tsebang hakakang! Ke thabela ho tseba seo ke se tsebang hakakang!) Ba sa elelloe hore ba ikoalla hole le Molimo, kantle lefifing koana. 'Me u ke ke ua ba bolella, hobane ruri ha ba khone ho e bona.

²²⁹ Ke batla ho botsa . . . ha ho motho ea loketseng ho bua taba ena. Bonnyane batho ba leshome le metso e mehlano kapa mashome a mabeli, ba lutse hantle mona, ba ne ba jere molato oa ho nkuka ke le Jesu Kreste. Ba ne ba ka khona joang ho e etsa? Ka sebetsana le bona hantle ho fihlela Molimo o mpoleletse ho ba "e ne e le moea." 'Me banna bao, ka re . . . 'Me banna bao ba ile ba nkholoa, lentsoe le leng le le leng. Ka re, "Le ntumela *joang* ke hona, haeba ke le bolella?" Eaba re fihla Lentsoeng, ba qala ba bona, ho re, "Be, ehlile, re ne re sa u lumele ho seng joalo re ka be re mametse seo u se buileng." Na le a bona mono?

²³⁰ Empa ba ne ba hlile ba nahana hore ba nepile, ka botšepehi. Le a bona? 'Me ha o mong oa meeaa eo o theohela holima hau, ho felile, u a bona, u tla e lumela ruri. Ha ke tsotelle, uena . . . ha ho motho ea ka u bolellang ntho efe e fapaneng. Le a bona? Ho sa tsotelehe na Lentsoe le bua ha kae, be, ha u Le lumele le hona; haese ho tsoelapele feela. "Ha u batla ho ba joalo, tsoela pele, 'me ke tla e sebetsa ka mokhoa oa ka." Le a bona, hoo ho u supa u tlotsitsoe ke moea oa bohata.

²³¹ Moea oa Molimo o tla ka . . . Be, u re, "Ho ka thoeng ka uena, Moena Branham?"

²³² Ke botsa motho mang . . . Ke itokiselitse motho mang ho mpontša se nepahetseng le se phoso, empa e ka khona e be Lentsoe. Ha ba khone ho bolela . . . E tlameha ho tsoa Lentsoeng! Kahoo ke hona moo litiso tsena li buloang teng. 'Me u se ke ua tšoenyeha, haeba e le tiiso e tla itlhalaosa ho qala ho Genese ho isa ho Tšenolo. Ka hona litiso ke tseo. Na ha le Mo rate?

Ke a Mo rata, ke a Mo rata
Hoba A nthatile pele
Le ho lefella poloko ea ka
Fateng sa Kalvari.

²³³ Ha re inamiseng lihlooho tsa rona. [Moena Branham o qala a binela ka marameng *Ke a Mo Rata*—Mong.] Ba ba kae ka

mona ba sa Mo tsebeng joaloka Mopholosi oa lona, ba ratang ho Mo tseka pelong tsa lona? Le a tseba, ke lumela aletare, ruri ke a e lumela. E molemo. Empa ka Bibeleng ha ba eso memele aletare ho bolokeha, ba mpa ba E lumetseng pelong tsa bona 'me ba E amohela. Ba ba kae ho lona ba tläng ka tsela ea Bibele, "Ba lumetseng ba ne ba kolobetsoa"? Ba ba kae ba lumelang kajeno, ba eso e etse joalo pele ba mpa ba batla ho ipolela phatlalatsa ho thoe ba ne ba le "phoso" litseleng tsa bona, 'me le batla ho amohela Jesu e le Mopholosi oa lona? Na le ka phahamisa matsoho a lona feela le inamisitse lihloho tsa lona, ho re, "Ke..."

²³⁴ Molimo a u hlohonolofatse. Molimo a u hlohonolofatse. Molimo a u hlohonolofatse, uena. Molimo a u hlohonolofatse, morao koana. Molimo a u hlohonolofatse, uena. Molimo a u hlohonolofatse, morao mono. "Joale ke a lumela." Molimo a u hlohonolofatse. Molimo a hlohonolofatse monna morao mono. Joale, u hopole, ha se *mona* empa ka pelong ea hau, ho Molimo, u ipolela phatlalatsa, "Morena, ke a tseba re nakong ea bofelo. Ke qetile."

²³⁵ Tsatsi le leng ha ke qoqa le motsoalle oa ka e monyenyanne mona toropong, Ngaka Sam Adair. Re ne re lutse ka ofising. Ka re, "Sam, esale ke na le gase."

A re, "Ua tseba joang hore ke gase? Nqa pelo ea hau?"

'Me ka re, "E."

²³⁶ Ho re, "E ka ba thrombo ea pelo feela—pelo—ea pelo—bothata ba pelo—bothata ba pelo." Ho re... (Ntšoarele.) Ho re, "E ka ba bothata ba pelo."

²³⁷ Ho re, "Joale, u tseba joang hore bo teng?" A re, "Ha nke ke u shebe."

Eaba o a ntlhahluba, ho re, "Che, ha ho letho le phoso ka uena."

²³⁸ Ka re, "Sam, nako le nako ha e fihla..." Lilemo tsa ka li mashome a mahlano a metso e 'meli, 'me Sam o moholo ho 'na. Ka re, "Ha e fihla, Sam, lilemo tsena tsohle tse mashome a mararo tseo ke li tsetetseng ho leka hore batho ba lumele ho Jesu Kreste, e leng Eo ke mo ratang le eo ke mo sebeleltseng nako ena eohle; ha e etse phapang ea letho ho 'na mohla A tläng, ke tla ea Hae."

²³⁹ A re, "Billy, u a tseba, na u tseba moo ke folang molemohali? Ke ka ho etsetsa motho se seng."

Ka re, "Ke bona bophelo ba sebele."

²⁴⁰ Efela ha u ruile lefa lefatšeng lena, motsoalle, ke lefa le bolang. Empa re amohela lefa le sa feleng. Mora ea lehlaso o kile a tlöha a siea lefa la hae, 'me a inkela ka karolo ea lona. Mohla a khutlileng, lefa la hae—lefa la hae le ne le silafetse. Empa haeba u balehile la hau, ha ho joalo ka 'Muso oa Molimo,

re amohela lefa le ke keng la bola. Na ha u batle ho Le amohela? Ba ka bang leshome le metso e mehlano ba ne ba phahamisitse matsoho a bona, baetsalibe ba batlang ho amohela lefa la bona hoseng hona. Na e mong a ka ba teng pele re rapela? E.

Butle haholo joale:

Ke a Mo rata, ke... (Etsa qeto hona joale.

Haeba u ikutloa u loketse, ena e ka ba nako.)

Hoba O nthatile pele

Le ho lefella poloko ea ka

Mane...

Molimo a u hlohonolofatse. Molimo a u hlohonolofatse...?...

²⁴¹ [Moena Branham o qala a binela *Ke A Mo Rata* ka marameng—Mong.] Ntate ea Maholimong, ka khutso ea motsotso ona, re tlisa ho Uena bamameli bana, tlasa maemo a fokolang hoseng hona, Morena, ho leka ho tlisetsa batho Molaetsa ona hoba ke ba rata. Ke batla ha ba O utloa, Morena. Ke batla hore ba ankoroe. Ke batla ba tsebe hoba lintho tsena tsohle tse entsoeng lilemong tse 'maloa tse fetileng ha li a iketsahalla feela, esale e le Uena, Morena. Ke Uena esale u bula lintho tsena. 'Me, oho Molimo, bohole re utloa ka pel'a rona ho larile Jubilee e kholo.

²⁴² Ke rapella bana ba phahamisitseng matsoho a bona. Ba a tseba ba fositse, Morena. Linthoana tse ngata... E ka ba ba kile ba rua chelete hang ka nako ho motho e mong, empa e entse'ng? Ha ba tseba moo e ileng teng, e nyamela ka nakoana feela, hoba leo ke lefa le bolang. 'Me ha ba ka e siela motho e mong, e tla boela e bola.

²⁴³ Empa re na le lefa le sa boleng, ke hore, pholoho, topollo, ho khutlela t̄simong ea Edene hape. Nahana, Morena, ke mang ea sa batleng ho khutla a be joaloka Adama le Eva 'me a phele morao mono? Lijo tsa rōna li hlahisoa letsatsi ka leng; Ntate ea Maholimong o lula tseleng a ntse a bua le rona; ho bona Leseli le leholo leo le tsamaea ka pela rona. Tau le phiri li fula hammoho, poho e ja joang, tau e ja le eona; athe joale li a jana, kapa tau e ja poho, 'me phiri e ja poho, sohle seo e ka se jang. Empa ha ho sa tla ba joalo mehleng eo. Linonyana tse kholo tse ntle li a rura. Ha ho sa tla ba masoabi. Ha re sa tla feta letšoao le reng re fetile holim'a litšepo tsa rona. Tlase koana tselaneng re bona bana ba rona, baratuoa ba rona. Oho Molimo, letsatsi le le kakang! Letsatsi le le kaakang! Ho sa tsotelehe seo re se fumanang mona lefatšeng, se—se—se tla fela sohle, empa Hoo ho ke ke ha fela.

²⁴⁴ Molimo, nka t̄sha ke sa khone ho bua le batho bana ba phahamisitseng matsoho a bona, mona lefatšeng lena. Ha ke tsebe. Ke t̄sepə ke tla khona. Empa ha ke sa khone, joale, Morena, re ke kopane le bona tlase tseleng mono. Ba ka bua ntho e kang ena, "Moena Branham, u sa hopola tlase lefatšeng pele nthohali ena e etsahala, hoseng ho hong u ne u bua ka—ka pulo ea litiso

tse kileng tsa bolokoa Lefisong la letsopa? Ka eona nako eo A kena lefisong la ka la letsopa, ke ne ke phahamisitse letsoho hoseng hoo. Oh, ke thabile haholo ha ke ile ka ba mono.”

²⁴⁵ Ke tla re, “Moena, khaitseli, ke thabile haholo ha ke ile ka ba mono, le ’na. Joale re setsoalleng sa mengoaha eohle hammoho.”

²⁴⁶ Ba hlohonolofatse, Ntate, ke ba Hau. U itse, “Ha ho motho ea ka tlang ho ’Na a sa huloe ke Ntate. ’Me bohole bao Ntate a ’Neileng bona ba tla tla, ha ho le ea mong oa bona ea tla lahleha.” Ka hona re—re motlotlo, Ntate, ka seo. Ba tle joale ’me ba fumane tebeletso ea pholohoa bona, e seng ho tloha ho ea kena kereke. Empa tebeletso ha se ho ingolisa le kereke empa Tsoalo e ncha, ho amohela Moea o Halalelang. Ba ke ba amohele Uena, Ntate. Hoba re e neela matsohong a Hau, ka Lebitso la Jesu Kreste. Amen.

²⁴⁷ Bakeng sa lisakatuku tsena: Morena Jesu, ke rapella lisakatuku tsena; le ho U kopa ho hlohonolofatsa bahloki bohole, bohole ba leng mona, Morena, mosali enoa oa batho ea setulong sa bakuli.

²⁴⁸ Kamora kopano e kholo ena hoseng hona, Ntate, ho utloa Moea oa Hau o Halalelang o tletse ka ho rona, ho utloa Lentsoe le theohela tlase botebong le mela lipelong tsa batho. Ba ke ke ba e lebala, Morena. Nako le nako ha ba utloa lintho tsena ba tla nahana ka litiiso tseo tse buloang. Joale, re thuso ho tseba seo litiiso tseo li neng li le sona, Morena, e mong le e mong a tle a se tsielehe kelellong ea hae, empa o tla tseba ho tsoa ho “HORIALO MORENA” hore eo ke tiiso ea Molimo, litiiso tseo Molimo o re manolletseng tsona.

²⁴⁹ Re U rapela ho folisa bakuli bohole le ba mahlomoleng. Fana ka sena, Morena. Moea oa Hau o teng. Haeba U khona ho pholosa moetsalibe morao motšeо ho moaho, U ka folisa motho ea kulang mono, hape. Ke U rapela ho e aba, Morena, le ho folisa ba emetsoeng ke lisakatuku tsena ba sa khona ho fihla mona kajeno. Re e nehela eohle ho Uena ka Lebitso la Morena Jesu Kreste. Amen.

²⁵⁰ Kea khlooa ba nkile lesea le khetheloang. Na mosali eo o teng mona le lesea? Ho le tlisa nakong ee? Re ka thabela ho khethela mothoana eo. Che, ha e a tlameha ho ba ba banyenyane, tloo feela. (Baholo ba bang ba tlo ema le ’na ha le rata nakong ena.) Lilemo li kae? Lilemo tse peli le halofo. Lebitso la hae ke mang? Scott? Scott Ford, Scott Ford e monyenyane, o lilemo li ’nè le halofo, o batla ho khethelo Morena le Mopholosi oa hae hoseng hona, Jesu Kreste. ’Mae oa mo tlisa. (Ka kotloloho, tloo kapele, moena.)

²⁵¹ Morena ea Mohau, re tlisa ho Uena leseanyana lena hoseng hona, ka mokhoa oa khethelo. Ho beha leseanyana matsoho a rona, moshanyana enoa, le ho kopa matla a tsositseng Jesu lebitleng ho phelisa moshanyana enoa. Molimo, a atlehe ’meleng

a matlafale. A phelele, Morena, tlotliso ea Hau. Kamoo U seng u kene ho thusa lesea lena, 'me re U leboha ka lona. 'Me ke U rapela ho ba le mothoana eo kamehla. E-ba le batsoali ba hae, baratuoa ba hae. Ho ke ho... rea tseba re rutoa hoba lintho tsohle li sebetsa hammoho molemong oa ba ratang Morena. Kamoo lintho tsena ka linako tse ling li hulelang batho haufi le Uena. Ke U rapela ho aba mahlohonolo ao re a kopang. 'Me joale, Ntate, kutlong Lentsoeng la Hau, re nehela moshanyana enoa ho Uena ka Lebitso la Jesu Kreste. U amohele moea oa hae o monyenyanne, soule, le 'mele, le ho mo sebelisetsa tlotliso ea Hau. Amen.

²⁵² Molimo a u hlohonolofatse, khaitseli. Molimo a u hlohonolofatse, Scott e monyenyanne. Re leboha Morena hakakang ka hoo!

²⁵³ Joale, ho tlil'o kolobetsoa mang? Ho na le sehlopha sa batho ba lokelang ho kolobetsoa, ke a lumela. Ha re ntse re itokisetsa hoo, ha re bineng... Ke tla le bolella seo re ka se etsang, ha re bineng... Ke tla lumella Moena Neville ho e phethisa. Ke a tseba ho tla loka lekhatheng leo. Ho lokile, monghali, Moena Neville.

²⁵⁴ Na le rata Morena, e reng "Amen." [Phutheho e re, "Amen!"—Mong.] Na le tla nthapella? [Phutheho e re, "Amen!"] Amen. Amen.



TšENOLO, KHAOLO HLANO KAROLO II SST61-0618
(Revelation, Chapter Five Part II)
THERO LETOTO TSHENOLO EA JESU KRESTE

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Phuptjane 18, 1961, mane Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org